

Planifikimi Buxhetor Afatmesëm 2023 - 2025



	Faqe
Hyrje	3
KAPITULLI I Procesi i Programit Buxhetor Afatmesëm dhe Roli i tij	4
KAPITULLI II Prioritetet Afatmesme 2023 – 2025	6
KAPITULLI III Parashikimet Buxhetore Afatmesme 2023 – 2025	18
III.1 Të Ardhurat e Bashkisë së Tiranës për Periudhën 2023 – 2025	18
III.2 Transfertat nga Buxheti i Shtetit	39
III.3 Burime të tjera financimi / Donacione	43
III.4 Parashikimi i shpenzimeve për Periudhën 2023 – 2025	46

HYRJE

Programi Buxhetor Afatmesëm (PBA) është një instrument për prezantimin në mënyrë të integruar e disavjecare të parashikimit të të ardhurave dhe burimeve financiare publike dhe për planifikimin, menaxhimin dhe lëvrimin e shërbimeve publike.

Hartimi i Programit Buxhetor Afatmesëm (PBA), mbështetet në ligjin nr. 9936, datë 26.06.2008 për "Menaxhimin e sistemit buxhetor në Republikën e Shqipërisë"(i ndryshuar), Ligjit nr. 139/2015 "Për vetëqeverisjen vendore", ligjit nr.68/2017 "Për financat e vetëqeverisjes vendore" dhe në Udhëzimet e Ministrisë së Financave për përgatitjen e buxhetit vendor.

Programi Buxhetor Afatmesëm i Bashkisë së Tiranës është hartuar në bazë të funksioneve të pushtetit vendor të përcaktuara në ligjin nr.139, datë 17.12.2015, "Për vetëqeverisjen vendore", në strukturat buxhetore të programeve që parashikojnë aktet ligjore mbi buxhetin referuar dhe udhëzimit nr. 8 datë 28.02.2021, të ministrit të Financave dhe Ekonomisë "Për përgatitjen e Programit Buxhetor Afatmesëm Vendor 2023-2025", udhëzimit plotësues nr.23 datë 08.07.2022, të ministrit të Financave dhe Ekonomisë "Për përgatitjen e Programit Buxhetor Afatmesëm Vendor 2023-2025" edhe në funksionet që ushtron aktualisht Bashkia e Tiranës.

Njësitë e Vetëqeverisjes Vendore (NJVQV-të) janë përgjegjëse për menaxhimin e fondeve publike. Kjo përfshin mbledhjen e taksave dhe tarifave vendore dhe menaxhimin e burimeve kombëtare që transferohen në bashki nga qeveria qendrore, disa prej të cilave kushtëzohen për shërbime specifike.

Projekt-buxhetet bazohen në vizionin tonë për Tiranën e së ardhmes, e cila para së gjithash duhet të jetë një qytet i jetueshëm, me infrastrukturë moderne e transport publik cilësor, me shërbime efikase e cilësore, me mundësi investimi për sipërmarrësit, me një jetë kulturore e sportive të larmishme, miqësor me të rinjtë e me hapësira të dedikuara për fëmijët, të moshuarit, këmbësorët e çiklistët.

KAPITULLI I

PROCESI I PROGRAMIT BUXHETOR AFATMESËM DHE ROLI I TIJ

Procesi i PBA-së, prezanton në mënyrë të ndërthurur informacionin mbi parashikimet e të ardhurave dhe burimeve dhe përcakton objektivat se si do të shpenzohen ato, kostot e nevojshme dhe llojin e secilit shërbim që do të ofrohet. Ndër të tjera, kjo përfshin lidhjen e qëllimeve dhe objektivave të bashkisë me qëllime strategjike të përcaktuara në strategjitë lokale dhe kombëtare. Në të njëjtën kohë, ai synon të garantojë që shërbimet publike vendore plotësojnë nevojat në rritje të banorëve duke treguar se si shpenzimet publike për prioritetet strategjike të zhvillimit të njësisë vendore përkthehen në vendime konkrete për ofrimin e shërbimeve publike vendore, me lidhje të qarta mes politikave vendore dhe prioriteteve vjetore të shpenzimeve.

Në procesin e PBA-së planifikimi dhe buxhetimi vendor afatgjatë e ndihmon njësinë vendore të planifikojë sesi shërbimet publike do të evoluojnë me kalimin e kohës, duke përcaktuar kërkesat disavjeçare të shpenzimeve në fusha të ndryshme të ofrimit të shërbimeve në përputhje jo vetëm me ndryshimet e parashikuara në demografinë, por edhe në përputhje me ndryshimin e nevojave të banorëve të bashkisë. Kombinimi i këtij informacioni me parashikimin për nevojat dhe burimet në dispozicion në të ardhmen, u mundëson njësisë vendore që të planifikojnë shërbime publike në mënyrë të qëndrueshme, si dhe të zhvillojnë një kuadër afatmesëm të burimeve si bazë për planifikimin afatmesëm të shpenzimeve.

Hartimi i PBA-së përbën një proces të rëndësishëm për Bashkinë e Tiranës, pasi ky dokument siguron mekanizmat e nevojshme përmes të cilave, objektivat prioritarë të identifikuar në Strategjinë e Bashkisë së Tiranës, të integrohen sa më mirë në procesin buxhetor.

Procesi i PBA-së siguron një kornizë për planifikimin e investimeve publike sipas programeve buxhetore duke përfshirë edhe kërkesat për shpenzimeve korente. Kjo siguron një bazë të fortë mbi të cilën mund të merren vendimet për investime, të lidhura me planet strategjike dhe planet afatmesme për zhvillimin e shërbimeve të ndryshme publike që njësisë vendore ofron për banorët.

Në qendër të PBA-së janë dy procese planifikimi dhe buxhetimi që NJVQV-të ndërmarrin për të planifikuar treguesit e performancës dhe shpenzimet afatmesme, si dhe propozimet për buxhetet vjetore:

- Përcaktimi i Qëllimeve dhe Objektivave të Programit (nëpërmjet Rishikimit të Politikës së Programit);
- Planifikimi i Shpenzimeve të Programit (në funksion të ofrimit të shërbimeve).

Qëllimet dhe Objektivat e Programit:

- a. Përmirësimi i menaxhimit dhe rritja e efikasitetit të përdorimit të fondeve publike, është objektivi parësor i PBA-së.
- b. Sigurimi i një shpërndarjeje të drejtë efiçente e burimeve është objektivi nëpërmjet të cilit synohet të arrihet një kuadër i qëndrueshëm planifikimi afatmesëm, brenda të cilit të planifikohen buxhetet vjetore.

Procesi i *Rishikimit të Politikës së Programit* synon të specifikojë qëllimet, objektivat e programit, si dhe treguesit e performancës. Ky informacion konsiston në rezultatet e dëshiruara dhe të matshme nga veprimet e NJVQV-së, të cilat duhet të arrihen në periudhën afatgjatë (Qëllimet e Politikës së Programit), si edhe arritjet e dëshiruara në periudhën tre-vjecare, sasitë e produkteve (shërbimeve publike) dhe kostot respektive për arritjen e Objektivave të Programit.

Procesi i *Planifikimit të Shpenzimeve të Programit*, synon të përcaktojë sasinë dhe koston e të gjitha shërbimeve publike që NJVQV-ja planifikon të ofrojë gjatë çdo viti të periudhës afatmesme. NJVQV-ja, specifikon produkte që sigurojnë arritjen e të gjitha Objektivave të Programit, Qëllimeve të Politikës së Programit si dhe standarteve e treguesve të performancës të lidhura me ato.

Struktura e përgjithshme e Programit Buxhetor Afatmesëm:

PBA-ja është hartuar në bazë të funksioneve, ku çdo funksion lidhet me disa programe të pushtetit vendor, brenda të cilave janë përfshirë një ose më shumë Njësi Shpenzuese, në përputhje me funksionet dhe qëllimet përkatëse për të cilat janë krijuar këto njësi. Dokumenti i PBA-së, prezanton analitikisht qëllimet, objektivat dhe produktet për çdo program. PBA-ja është hartuar për të gjitha programet e Bashkisë dhe është fokusuar në programet prioritare, të cilat janë shprehje e kërkesave dhe nevojave të komunitetit duke u ndërthurur me Strategjitë 5 vjeçare për Zhvillimin e Qendrushëm të Bashkisë Tiranë dhe programin politik të Kryetarit të Bashkisë.

Për çdo program janë parashikuar të gjitha shpenzimet që do të shërbejnë për realizimin e objektivave të tij, sipas llojit dhe Njësive Shpenzuese.

Shpenzimet e buxhetit të Bashkisë Tiranë sipas grupeve kryesore janë:

- a. - shpenzime të personelit
- b. - shpenzime operative dhe korrente
- c. - shpenzimet kapitale
- d. - fondi rezervë
- e. - kontigjenca.

Njësitë Shpenzuese:

- a. Aparati i Administratës së Bashkisë së Tiranës
- b. Institucionet e varësisë

KAPITULLI II

PRIORITETET AFATMESME 2023-2025

➤ Prioritetet e Programit Buxhetor Afatmesëm:

Objektivi themelor i PBA-së 2023 - 2025 do të jetë garantimi i zhvillimit të qëndrueshëm të Tiranës, për të përmirësuar jetesën e brezave të sotëm e për të garantuar mirëqenien e brezave të ardhshëm.

Programet Buxhetore të deritanishme kanë arritur tashmë objektivat e vendosura dhe Tirana është sot më mirë se në cdo kohë. Kanë përfunduar disa nga projektet e mëdha strategjike; është ndërhyrë në pjesën dërrmuese të lagjeve të qytetit me projekte rigjenerimi urban; është siguruar pastërtia e qytetit dhe reduktuar ndotja; janë shtuar sipërfaqet e gjelbëra; është përmirësuar ndjeshëm infrastruktura në të gjithë çerdhet e kopshtet e qytetit; janë krijuar hapësira të reja rekreacionale; është rigjallëruar jeta kulturore dhe masivizimi i sporteve.

Në përfundim të Strategjisë 5 vjeçare për Zhvillimin e Qendrueshëm të Bashkisë Tiranë, në të cilën është mbështetur hartimi i buxheteve të deritanishme, është duke u hartuar strategjia e re 5 vjeçare e plotësuar në përputhje me të gjitha ndryshimet ligjore dhe strategjitë zhvillimore në proces.

Qëllimet kryesore të programit buxhetor afatmesëm, të zbërthyer në disa objektiva specifike, janë:

1. Infrastrukturë urbane e qëndrueshme:

Bashkia e Tiranës do të maksimizojë sigurimin e infrastrukturës zhvillimore, kritike dhe sociale që të jetë në propocion të drejtë me shkallën e zhvillimit dhe të zgjerimit të popullsisë në qytet. Vendndodhja dhe shkalla e rritjes do të identifikohen përmes Planeve të Zhvillimit, si edhe përmes menaxhimit e vlerësimit të nevojave. Kapaciteti i infrastrukturës, duke pasur parasysh rritjen e identifikuar në Planin e Zhvillimit, do t'i ofrojë infrastrukturën e nevojshme njësisive. Bashkia gjithashtu do të marrë në konsideratë ndikimin kumulativ të propozimeve të shumta zhvillimore në një zonë. Futja deri ne kapilaret dytësorë të përmirësimit të infrastrukturës urbane dhe sociale do t'i japë një zhvillim më të madh njësisive e lagjeve të kryeqytetit. Kjo gjë synohet të arrihet nëpërmjet:

- Rehabilitimi dhe mobilimit urban të njësisive;
- Përmirësimi i hapësirave publike, sipërfaqeve të gjelbra, ndricim etj;
- Përmirësimi I infrastrukturës së munguar për asetet e qytetit;
- Ndërtimi i infrastrukturës për të mbështetur zhvillimin e ardhshëm dhe për të mbrojtur mjedisin.
- Përmirësimi i qëndrueshmërisë së Tiranës për t'iu përgjigjur sfidave të mundshme në të ardhmen.
- Optimizimi i Infrastrukturës kritike.
- Investime dhe rehabilitim/zgjerim i rrjetit të furnizimit me ujë të pijshëm dhe rritja e mbulimit me shërbimin.
- Zgjerim i kanaleve nëntokësore dalëse për eliminimin e ujrave të ndotura

2. Arsimi për të gjithë:

Përmirësimi i cilësisë së infrastrukturës arsimore si dhe krijimi i infrastrukturave të reja do të vazhdojë të jetë një objektiv strategjik edhe për vitin 2022. Gjithashtu Bashkia e Tiranës i ka

dhënë prioritet më shumë se kurrë rritjes së aksesueshmërisë arsimore për grupet e pa favorizuara si; fëmijët me aftësi të kufizuara, fëmijët në zona të thella rurale dhe ata me ndihmë ekonomike duke iu përmbajtur vizionit të saj dhe atij kombëtar. Rezidencat universitare do të vazhdojnë të jenë në fokus të punës së BT edhe për këtë vit duke qenë se Tirana akomodon numrin më të lartë të studentëve në të gjithë Shqipërinë, kjo jo vetëm për faktin se në kryeqytete janë përqëndruar numri më i madh i institucioneve të arsimit të lartë por sepse metropoli ofron më shumë mundësi për punësim. BT synon të nxisë shfrytëzimin maksimal të hapësirave të këtyre objekteve në funksion të edukimit dhe ndërveprimit të komunitetit nëpërmjet programit “Shkolla si Qendra Komunitare”.

- Ndërtimi i shkollave të reja;
- Përmirësimi i kushteve dhe cilësisë së procesit mësimor;
- Infrastruktura e re sipas standarteve si në zonat urbane edhe rurale;
- Infrastruktura ekzistuese e përmirësuar
- Rritja e sigurisë në rrugë e në objektet shkollore.
- Rritja e Aksesit dhe gjithëpërfshirjes në Arsimin Parauniversitar;
- Rritja e aksesueshmërisë për grupet e pafavorizuara;
- Shkollat si qendra komunitare.

3. Zhvillimi i Ekonomisë së qëndrueshme në qytet:

Duke qenë se zhvillimi i ekonomisë është një proces transformimi në të cilin shfrytëzimi i burimeve natyrore, përzgjedhja e investimeve, orientimi i ndryshimeve teknologjike dhe institucionale realizohen duke garantuar qëndrueshmëri në të ardhmen, janë parashikuar programe e projekte që synojnë përmirësimi e cilësisë së shërbimeve dhe pajisja me infrastrukturën e nevojshme për bizneset, mbështetje financiare dhe incentiva fiskale, rritja e konkurrencës dhe thithja e investimeve të huaja.

- Nxitja e zhvillimit ekonomik, punësimit e sipërmarrjes;
- Nxitja e zhvillimit rural dhe turizmit dhe ndihmesë bujqësisë;
- Zhvillimi i qëndrueshëm i turizmit.
- Zhvillimi i biznesit local, inovacionit dhe bizneseve të gjelbra dhe qarkulluese
- Përmirësimi i aftësive për punë;
- Zhvillimi i qytetit me focus tek Techno-hub
- Implementimi i Zonës së Lirë Ekonomike (TEDA Kashar) për thithjen e investimeve të huaja.

4. Tirana qytet i rimëkëmbur nga tërmeti dhe pandemia dhe më i jetueshëm

Ndërkohë që efektet e pandemisë globale Covid-19, gjatë viteve 2020 dhe 2021, prekën ekonominë e të gjitha vendeve, duke cënuar në këtë mënyrë proceset e zhvillimit, Shqipëria u përball njëkohësisht me pasojat e tërmetit të 26 Nëntorit 2019, situata të cilat kanë sjellë të nevojshme riorientimin e objektivave strategjike.

Nga ana tjetër, programet e rindërtimit që nisën në fund të vitit 2019, për rindërtimin e banesave individuale dhe njërive të banimit si dhe ndërtimin e infrastrukturës arsimore e publike të dëmtuar nga tërmeti, kanë krijuar premisa për ndërhyrje në infrastrukturë publike përtej këtyre nevojave duke i dhënë kështu qytetit mundësi për një zhvillim urban dhe ekonomik që do të ndihmojë rimëkëmbjen ekonomike në vitet pasardhëse.

Nëpërmjet këtij objekti, synohet përmirësimi i një sërë elementesh me impakt të drejtpërdrejtë tek çdo grupmoshë e popullsisë që përfshihen në territorin e BT-së. Vëmendje edhe për këtë vit do të kenë rehabilitimet e blloqeve të banimit si dhe nxitja e

bashkëpunimit efektiv mes BT-së dhe qytetarëve për përmirësimin e infrastrukturës së objekteve në bashkëpronësi.

- Rindërtimi i Lagjeve të reja nga Tërmeti: 5 Maji, Kombinati, Vaqarri, Ndroqi, Peza, Baldushku dhe Zallherri,
- Mirëmenaxhimi i emergjencave natyrore / klimaterike/ përmbytjeve / tërmeteve / zjarreve
- Tirana qytet 24 h non stop
- Rivitalizimi i jetës kulturore, artistike, sportive, jetës së natës, gjithë sektorëve kreativë dhe Turizmit
- Rimëkëmbje për një qytet më të gjelbër, më të pastër, më të barabartë, më të aksesueshëm, dhe më të sigurt
- Përmirësimin e shërbimit të varrezave publike;
- Ofrimit të shërbimeve sociale cilësore;
- Rritjes së sipërfaqeve të gjelbra e parqeve dhe shtimit të hapësirave rekreative;

5. Transporti për të gjithë:

Transporti për të gjithë përbëhet nga një grup politikash me fokus rritjen e cilësisë së jetës së qytetarëve dhe rritjen e aksesueshmërisë së qytetit nga të gjithë.

Ky objektivi është një ndër më sfiduesit dhe synon të nxisë mobilitetin alternativ nëpërmjet zgjerimit të rrjetit të korsive të dedikuara për biçikleta dhe përmirësimin të shërbimit të operatorëve në këtë fushë, të përmirësojë situatën e parkimit nëpërmjet rritjes së kapacitetit dhe përdorimit eficient të hapësirave ekzistuese dhe përmirësimin të shërbimit të parkimit me pagesë. Vëmendje të vecantë do të ketë edhe transporti publik ku do të punohet që të garantohet një sistem transporti i sigurt, miqësor ndaj mjedisit dhe me efikasitet të lartë për distanca mbi 5 km si dhe përmirësimin e trafikut dhe të lëvizshmërisë në qytet. Ky objektivi do të arrihet konkretisht nëpërmjet:

- Nxitjes së mobilitetit alternativ dhe të qëndrueshëm për rritjen e aksesueshmërisë;
- Përmirësimi i rrjetit rrugor urban, me fokus të posaçëm tek korsitë e bicikletave dhe trotuarët;
- Përmirësimi i transportit publik duke futur dhe teknologjitë e reja;
- Rritjen e kapacitetit të parkimit në qytet dhe përdorimit eficient të hapësirave ekzistuese;

6. Qeverisja e mirë:

BT ka përcaktuar si prioritet të saj forcimin e qeverisjes së mirë dhe respektimin e të drejtave të qytetarëve i cili do të realizohet nëpërmjet 3 programeve:

- *Përmirësimi i ofrimit të shërbimeve ndaj qytetarëve dhe biznesit nëpërmjet:*
 - Dixhitalizimit të sistemeve të ofrimit të shërbimit;
 - Përfshirjen në sistemin e One Stop Shop të njësive administrative për të ofruar shërbimin sa më afër qytetarit;
 - Ri-optimizimin dhe Standartizimin i proceseve të punës të strukturës së institucionit të Bashkisë Tiranë për të lehtësuar procedurat dhe menaxhuar me efikasitet më të lartë çdo proces pune në institucionin e Bashkisë;
- *Rritjen e transparencës dhe gjithëpërfshirjes së qytetarëve dhe komuniteteve në vendimmarrje nëpërmjet:*

- Përmirësimin e portalit Tirana Ime;
 - Përmirësimin e raportimit tek qytetarët dhe rritjen e përfshirjen së qytetarëve në proceset e vendimmarrjes nëpërmjet ngritjes së një rrjeti më të mirë komunikimi me qytetarët për punët dhe projektet e Bashkisë;
- *Administrimin më të mirë të të ardhurave të Bashkisë:*
- Rritjen e efikasitetit në mbledhjen e të ardhurave dhe të kontrollit financiar;
 - Ruajtja e qëndrueshmërisë financiare së Bashkisë Tiranë;
 - Reduktimin e shpenzimeve administrative të Bashkisë nëpërmjet përmirësimit të Standarteve e të proceseve të punës brenda institucionit;

7. Investim afatgjatë për Rininë - Tirana si Kryeqyteti Evropian i Rinisë

Në vitin 2019 Qyteti i Tiranës u nderua me “Kryeqytetin Rinor Evropian 2022” nga Forumi Rinor Evropian. Me këtë rast, gjatë gjithë vitit 2022, Kongresi Rinor Kombëtar në bashkëpunim me Bashkinë e Tiranës, OSHC-të rinore, si dhe përfaqësues të sektorit publik dhe privat kanë organizuar një sërë aktivitetesh që synojnë të stimulojnë të rinjtë për t'u bërë më proaktivë në temat kryesore të zhvillimit të shoqërisë dhe për çështjet që lidhen më drejtpërdrejt me rininë.

Aktivitetet janë bazuar në 8 tema kryesore që konsistojnë në ekonominë krijuese dhe inovacionin, kulturën, ngritjen e kapaciteteve, pjesëmarrjen, diversitetin, identitetin evropian, eko-shëndetin dhe hapësirat publike dhe kanë arritur objektiva si:

- Mbështetja e krijimtarisë dhe inovacionit të të rinjve në teknologji dhe dizajn, asistimi në zhvillimin e planeve të biznesit dhe mbështetja e OJQ-ve rinore përmes skemave të granteve për të krijuar punësim.
- Promovimi i kulturës urbane përmes festivaleve të muzikës dhe filmit, arteve murale dhe rrugës dhe ngjarjeve të tjera kulturore.
- Promovimi i formimit profesional dhe zhvillimit të punës ekipore duke ndërtuar aftësi të buta nëpërmjet mjeteve të edukimit joformal.
- Inkurajimi i të rinjve që të angazhohen më shumë në jetën e komunitetit, të dalin vullnetarë dhe të thonë fjalën e tyre në vendimmarrjen lokale.
- Inkurajimi i dialogëve për diversitetin dhe tolerancën përmes eventeve të dedikuara për rëndësinë e bashkëjetesës.
- Promovimi i vlerave evropiane përmes aktiviteteve artistike dhe rrjetëzimit si netët evropiane të filmit, shkëmbimet e Rrugës Rinore, etj.
- Promovimi i një stili jetese të shëndetshëm, aktiv dhe social përmes një sërë aktivitetesh gjithëpërfshirëse në natyrë me fokus në shëndetin mendor dhe lehtësimin e stresit.
- Shtimi i burimeve të reja hapësinore dhe hapësirave publike ekzistuese të decentralizuara duke theksuar rëndësinë e tyre në rritjen e lidhjes së të rinjve.

Tirana do të jetë gjithmonë qyteti i të rinjve dhe iniciativa të tilla, të nxitura nga titulli “Kryeqyteti Evropian për Rininë 2022”, do të vijojnë edhe në të ardhmen, si një objektiv i posaçëm dhe prioritet i rëndësishëm në politikat e Bashkisë së Tiranës.

8. Tirana si Kryeqyteti i Sportit për vitin 2023

Zhvillimi i Tiranës vijon të jetë në vëmendjen ndërkombëtare, për politikën e ndjekura në zhvillimin e rinisë, sportit, kulturës. Tirana sapo është shpallur fituese e titullit “Kryeqyteti i Sportit për vitin 2023”, i cili sikurse titulli për Rininë, do të jetë një mundësi shumë e mirë për të theksuar, nëpërmjet projekteve të dedikuara, fokusin që Bashkia e Tiranës ka në zhvillimin dhe promovimin e Sportit si kulturë.

Të udhëhequr nga titulli dhe motoja e programit tonë SPRINTirana (Sporti si Promovues i Qëndrueshmërisë, Gjithëpërfshirjes, Natyrës dhe Transformimit), synimi i aktiviteteve të këtij viti do të jetë përdorimi i fuqisë së sportit drejt një stili jetese më të shëndetshëm, promovimi i lëvizshmërisë alternative, masivizimi i sportit, shtimi i disiplinave, promovimi dhe përzgjedhja e talenteve, mbajtja larg veseve e fëmijëve dhe adoleshentëve, promovimi i barazisë gjinore, disiplinën, rritjes së vetëbesimit, bashkëpunimit dhe frymës së ekipit, ruajtjen dhe eksplorimin e mjedisit dhe natyrës, luftën ndaj sedentarizmit si dhe përdorimin sa më të ulët të pajisjeve elektronike, të gjitha së bashku të unifikuara në misionin e sportit si një element bashkues i qytetarëve dhe shoqërisë, duke u përpjekur që të krijojmë një qytet gjithëpërfshirës, me vëmendje të veçantë ndaj grupeve të cënuara, personave me aftësi të kufizuara, minoriteteve dhe moshës së tretë! Duke qenë se sporti është një nga mjetet më të mira për të krijuar mekanizma dhe procese të gjithëpërfshirjes, ne gjithashtu synojmë të përdorim sportin si një mjet transformues për komunitetet, shkollat, fëmijët dhe qytetin në përgjithësi.

Për arritjen e këtyre qëllimeve do të punohet ngushtë me Komitetin Olimpik Kombëtar, federatat dhe qindra shoqata sportive, për të paraqitur një gamë prej rreth 500 ngjarjesh sportive gjatë gjithë vitit. Presim gjithashtu që në Tiranë të zhvillohen disa gara sportive rajonale dhe kontinentale, sipas angazhimeve paraprake të marra nga federata të ndryshme sportive.

➤ **Projekte Strategjike:**

Pas një sërë projektesh strategjike që rigjallëruan jetën e qytetit gjatë mandatit të parë qeverisës si, Projekti i Rigjenerimit Urban të Pazarit të Ri dhe Sheshit Avni Rustemi; Projekti i Bulevardit të ri, Sheshi Skënderbej, Rehabilitimi i Parkut të Madh të Tiranës, Kopshti Zoologjik po vijohet me projekte të reja strategjike të cilat synojnë jo vetëm përmirësimin e infrastrukturës por edhe rritjen ekonomike, zhvillime teknologjike dhe rritjen e punësimit në qytet.

Projektet strategjike të Bashkisë Tiranë për periudhën 2023-2025:

- Teatri Kombëtar,
- Piramida,
- Kampusi Universitar,
- Tirana Policentrike,
- Zgjerimi i Lumit Lana,
- Unazat e Tiranës
- Zona e Teknologjisë dhe Zhvillimit Ekonomik- Teda,
- Rindërtimi

TEATRI I RI I TIRANES

Kryeqyteti ka nevojë për një godinë të re të Teatrit Kombëtar që plotëson të gjitha standartet ndryshe nga ai ekzistues. Shtëpia e re e aktrimit është konceptuar të jetë si zemra kulturore e Tiranës dhe e gjithë Shqipërisë dhe e dedikuar vetëm për art. Projekti i prezantuar nga një nga studiot më të mëdha ndërkombëtare të arkitekturës në botë, “Bjarke Ingels Grop” me qendër në Danimarkë, ofron një godinë të arkitekturës me dizajn modern dhe që krijon një hapësirë unike në qytetin e Tiranës, duke ofruar të gjitha kushtet e nevojshme dhe frymëzuese për zhvillimin e talentit të aktrimit, ashtu edhe për vetë publikun i cili mund të angazhojë imagjinatën.

Projekti gjithashtu garanton një akses të këmbësorëve që përdorin rrugën “Sermedin Said Toptani” në rrugën paralele me të. Hyrja kryesore në teatër është e mundur përmes shëtitores “Murat Toptani”, ndërsa hapësira e sheshit publik në nivelin përdhes, siguron hyrje të mbuluar në teatër, së bashku me hapësirën publike për mbledhje ose argëtim. Me ndërtimin e teatrit të ri aktorët do kenë mundësi të punojnë në ambiente kontemporane, cilësore dhe jo të dëmshme për shëndetin e tyre. Njëkohësisht edhe qytetarët do të kenë mundësi të shijojnë artin e ofruar nga artistët në ambiente të rehatshme me të gjitha kushtet që meriton të ketë një godinë e tillë.

PIRAMIDA

Krijimi i një Qendre për Edukimin për Teknologjinë do të jetë koncepti bazë i përdorimit të Piramidës. Kjo qendër do të jetë një mjedis ku do të ndërveprojnë të rinjtë duke përdorur teknologjinë më të mirë nga profesionistë të fushës, si dhe do të ndërlidhet më së miri teknologjia dhe arti. Koncepti do të jetë mësimi nëpërmjet prodhimit (Learning by doing). Kështu Piramida do të jetë një mjedis ku do të edukohen dhe trajnohen mbi 2000 të rinj dhe të reja. Nëpërmjet këtij projekti do të aktivizohet një hapësirë prej 9460 m² për të akomoduar funksionet teknologjike dhe edukuese. Për ta realizuar këtë do të ndërhyhet fizikisht në objekt për ta kthyer në një mjedis operativ dhe funksional përsa i përket aspektit teknik.

Ndërhyrja për Rijetësimin e Piramidës ka për qëllim ta bëjë atë një vend ku shkëmbehen ide dhe vizione, një forum publik ku të gjithë janë të mirëpritur të ndajnë dhe të fitojnë njohuri. Larmia e funksioneve dhe ngjarjeve duhet të garantojë që piramida nuk do të flejë kurrë si një objekt që do të jetë i mbushur me aktivitete.

Qëllimi i projektit nuk është të rivendosë ndërtesën në pamjen e saj fillestare, por të hulumtojë gjendjen e saj aktuale, për të gjetur bukurinë dhe për të qenë e vërtetë dhe autentike.

Piramida do të shndërrohet në një aktor vetë-mjaftues në mjedisin urbanistik të Tiranës, do të bëhet një ambient efikas dhe me kosto efektive, do të përdoret vetëm ajo që na nevojitet dhe pjesa tjetër do të kthehet publikut. Projekti është hartuar duke u mbështetur në kushtet teknike shqiptare dhe ato europiane si edhe produkteve që nxjerrin prodhues të ndryshëm europian.

Risia e rigjallërimit të qendrës qëndron në faktin se do të zbatohet modeli mësimor TUMO i cili është një lloj i ri i përvojës arsimore në kombinimin e teknologjisë dhe dizajnit. Programi mësimor parashikohet të jetë i përbërë nga aktivitete të mësimit autodidakt, ëorkshope dhe laboratorë projektesh, ku fëmijët e të rinjtë i kombinojnë këto metoda mësimore personale që të përshtaten me preferencat e tyre dhe shkallën individuale të përparimit. Mes këtyre programeve mësimore përshfihen: animacion, zhvillim lojërash dhe filmimesh, ëeb dizajn, muzikë, shkrim, vizatim, dizajn grafik, modelim 3D, programim, robotikë, fotografi, etj.

Teksa të rinjtë përparojnë me projektet dhe praktikata ata do të krijojnë një portofol bazuar mbi rezultatet e tyre i cili do të kthehet në një lloj diplome që do të dëshmojë rritjen e aftësive të tyre në fushat përkatëse. Jemi të bindur se investimi në programe të tilla të zhvillimit kreativ të rinjve do të jetë një nga investimet kryesore me impakt afatgjatë për një shoqëri më të zhvilluar në të ardhmen. Aktualisht janë realizuar rreth 80% e punimeve për realizimin e këtij projekti. Afati i dorëzimit është 2 shkurt 2023.

KAMPUSI UNIVERSITAR

Ne e konsiderojmë investimin në kapitalin njerëzor si një nga elementët më të rëndësishëm që garanton zhvillimin ekonomik. Ndërtimi i kampuseve të reja për Universitetin e Tiranë që është njëkohësisht dhe universiteti më i rëndësishëm në vend është sot një domosdoshmëri. Për këtë arsye do të bashkërendojmë punën me qeverinë për ndërtimin e kampuseve si dhe për ndërtimin e të parës Qendër të Studentëve në vendin tonë. Këto projekte jo vetëm që do të krijojnë kushte më cilësore për studentët, por do t'i japin Tiranës fytyrën e një qyteti studentor bashkëkohor.

Ndërtimi i Kampusit të konsoliduar të Universitetit të Tiranës synon shndërrimin në një hapësire moderne të një prej zonave më energjike dhe më të rëndësishme të kryeqytetit. Ndërtimi i objekteve të reja universitare në zonën e Qytetit Studenti, integrimi i tyre me objektet ekzistuese si dhe me objektet e tjera akademike rreth tij, do të ofrojë mjedise të bollshme e moderne për universitetin çka do të rrisë jo vetëm cilësinë akademike, por edhe cilësinë e jetesës për të gjithë studentët e Universitetit të Tiranës.

Ndërkohë që Qendra e Studentëve do të jetë një qendër multifunkionale që do të ofrojë një shumëllojshmëri shërbimesh për të gjithë studentët e Tiranës. Aty do të kombinohen aktivitetet akademike me ato sociale e kulturore, të gjitha të organizuara nga vetë studentët dhe në shërbim të studentëve. Në këtë qendër do të ketë salla leximi, laboratorë kompjuterik, zyra të ndryshme që ofrojnë shërbime për studentët, mjedise çlodhëse, salla lojërash, si edhe mjedise ku mund të organizohen aktivitete të ndryshme, konferenca e ekspozita artistike. Të gjitha hapësirat e reja të kampusit universitar, si ato të brendshme dhe ato të jashtme do të konceptohen dhe shfrytëzohen si hapësira multifunkionale moderne dhe sipas standarteve duke ushqyer një jetë studentore sa më të pasur, aktive dhe të shëndetshme që rrit mirëqenien e studentëve dhe si rrjedhim performancën e tyre në mësim dhe jetë sociale.

TIRANA POLICENTRIKE

Koncepti i vjetër i zgjerimit dhe zhvillimit urban të Tiranës synonte që kryeqyteti të zhvillohej në mënyrë Monocentrike ku cdo shërbim, funksion kryesor dhe aktivitet parësor zhvillohej në qendër të qytetit. Kjo mund të ketë funksionuar mirë në të kaluarën, por me zhvillimin urban të tanishëm të Tiranës, rritjen e popullsisë dhe për rrjedhim zgjerimin e territorit sjell trafik të rënduar, pabarazi në zhvillimin ekonomik mes zonave qendrore dhe atyre periferike të qytetit, stres urban, ndotje ajri, etj.

Jemi duke zhvilluar Organizimin e Tiranës në disa qendra kryesore dhe dytësore të cilat do të ndihmojnë në procesin e dendësimit me anë të përdorimit të zgjuar të tokës dhe shpërndarjes së funksioneve dhe shërbimeve të njëjta në gjithë territorin. Ky prioritet ka në qendër krijimin e 5 epiqendrave urbane për kapërcimin e dyzimit qendër-periferi dhe për të nxitur zhvillimin e balancuar të qytetit. Kinostudio, Kombinati, Farkë-Qytet Studenti, Bulevardi i Ri dhe Lapraka janë polet e parashikuara për t'u zhvilluar nëpërmjet hartimit dhe zbatimit të Planeve të Detajuara Vendore që do të sigurojnë rivitalizimin dhe forcimin e identiteteve sipas karakterit të çdo poli. Përmbushja e këtij objekti do të jetë një nga sfidat kryesore të 4-vjecarit të ardhshëm por që në fund do të sjellë një rikonceptim të strukturës urbane të qytetit,

shtimin e pesë zonave atraktive të reja për qytetarët dhe vizitorët e huaj dhe një rritje me rreth 20% të investimeve në këto pole të reja. Polet për të cilat po punohet sot janë:

Poli Verior- Bulevardi i Ri i Tiranës Ka përfunduar dhe segmenti i fundit i zgjatimit të bulevardit me sinjalistikë rrugore, korsi të dedikuara autobuzësh dhe bicikletash, ndriçim led dhe gjelbërim. Tashmë do të nisë puna për realizimin e sheshit fundor dhe gjatë 4-vjecarit në vazhdim kjo zonë do të ketë një karakter Fin-Tech, pra do të jetë zona e financave dhe e teknologjisë për qytetin. Gjithashtu, gjatë lumit të Tiranës do të mbizotërojnë korridoret blu dhe të gjelbër me hapësira shlodhëse e rekreative, korsi bicikletash në natyrë të cilat do të promovojnë jetesën e balancuar dhe të shëndetshme në qytet.

Poli Kombinat - Sot po punohet për rivitalizimin e Sheshit Garibaldi dhe godinave të vjetra përreth, ndërkohë që janë bërë shumë investime në përmirësimin e infrastrukturës rrugore dhe ndricimit të zonës. Vizioni dhe objektivat tona për 4-vjecarin e ardhshëm synojnë kthimin e Kombinatit në një zonë urbane me karakter kreativ artistik dhe mjeshtëror i cili sjell më shumë mundësi biznesi dhe do të zbatohet modeli i Pazarit të Ri.

Poli Farkë – Qyteti Studenti Deri më tani zona përreth Liqenit të Farkës ka patur një sërë investimesh për përmirësimin e infrastrukturës rrugore, ndricimit, gjelbërimit përreth Liqenit dhe vendosjen e korsive të bicikletave dhe lojërave ujore. Këto investime dhe të tjera në vazhdim do ta kthejnë polin e Farkës në një zonë me karakter rekreativ, natyror dhe turistik e cila do të gezojë investime dhe vëmendje njëjloj si Parku i madh i Liqenit të Tiranës duke shtuar hapësirat e gjelbra për ushqimin e jetës kolektive si edhe hapësira për aktivitete sportive. Gjithashtu do të ketë investime dhe shërbime si shkolla, kopshte e cerdhe, biblioteka në zonën e Farkës dhe lidhjen e saj me qytetin studentit.

Poli Kinostudio dhe Poli Laprakë janë 2 polet e tjera për të cilat po punohet për hartimin e planeve të detajuara vendore. Për to kemi parashikuar gjithashtu një sërë investimesh infrastrukturore në qendrat dhe pikat referuese të zonave të cilat do të kthehen në pole të mirëfillta zhvillimi ekonomik dhe zhvillimi i jetës sociale e rekreative për komunitetin duke ngushtuar hendekun dhe diferencat mes tyre dhe qendrës së qytetit. Për Polin Kinostudio kanë filluar punimet për përmirësimin e infrastrukturës së qendrës së polit dhe infrastrukturës rrugore, ndricimit dhe gjelbërimit përreth. Ndërkohë që Poli Laprakë është në fazë projektimi.

ZGJERIMI I LUMIT LANA

Zgjerimi i lumit Lana është një projekt me rëndësi të lartë për Tiranën. Puna për zgjerimin e Lanës po vazhdon dhe Lana do të zgjatet nga Kashari deri në Shkozë. Duke vazhduar nga Lanabrgas e poshtë deri në Kashar. Duke u zgjeruar kështu 2 km në Veri e 2 km në Jug. Disiplinimi i ujrave të një lumi në territore urbane tashmë të zhvilluara, është shumë i rëndësishëm dhe ka një impakt shumë pozitiv në mjedis e komunitet. Përmes kësaj veprë madhore, qyteti do të fitojë shumë përmes disiplinimit të rrjedhës së lumit të Lanës duke ulur rrezikun e përmbytjeve, por edhe për krijimin e një ambienti pozitiv. Prania e një lumi për një qytet është shumë e rëndësishme. Disiplinimi i ujrave sjell transformimin e hapësirave publike, duke i transformuar ato në vlera për lagjen duke qenë se Lana ka qënë historikisht një shenjë e rëndësishme në territorin e qytetit dhe ka dhënë drejtimet për zhvillimin e tij.

UNAZAT E TIRANËS

Përmirësimi i situatës së trafikut në Tiranë është një nga sfidat tona më të mëdha me të cilat kemi punuar këto 4 vite dhe do vijojmë të punojmë edhe më fort gjatë 4-vjecarit të ardhshëm. Përfundimi i Unazës së Madhe të Tiranës (Unaza 5-stë) përbën një hap të rëndësishëm drejt

lehtësimin të trafikut duke qenë se shërben si bypass për transportin e mallrave larg zonës urbane. Unazat i shërbejnë mirëfunksionimit të lëvizjes duke larguar shumicën e trafikut nga zemra e qytetit. Njëkohësisht ato shkurtojnë kohën e lëvizjes duke rritur shpejtësinë dhe ulur koston e udhëtimit. Në planin tonë të lëvizshmërisë së qendrushme për të cilën sapo kemi filluar punën, unazat do të shërbejnë si shtylla të zhvillimit duke siguruar akses në të gjitha zonat e Tiranës.

Unaza e Madhe e Tiranës përfshin në gjatësinë e saj ura, nyje dhe kryqëzime në nivel me qëllim lehtësimin e impaktit që kjo vepër e madhe infrastrukturore do të ketë në qytet.

Sot kemi hapur një nga segmentet kryesore të Unazës së Madhe me një gjatësi prej 2.1 km, që lidh zonën e “Pallatit me Shigjeta” me Farkën, duke zgjidhur problemin e trafikut të makinave që vijnë nga sheshi “Shqiponja” dhe Kombinati në drejtim të qendrës, si dhe të atyre që udhëtojnë drejt juglindjes. Segmenti Komuna e Parisit-Shkolla Teknologjike është përshtatur për zona urbane me rrugë kryesore, rrugë paralele dhe e konceptuar si rrugë shpejtësie me 12 hyrje-dalje të disiplinuar. Për të lehtësuar qarkullimin e automjeteve dhe për të rritur sigurinë e qytetarëve, janë ndërtuar dhe katër mbikalime automjete në disnivel, mbikalime këmbësorësh të pajisura dhe me ashensor për Personat me Aftesi të Kufizuar (PAK), si dhe në të dy senset e lëvizjes janë ndërtuar trotuarë dhe korsi biçikletash. Punimet e kryera me standardet më të mira europiane përfshijnë ndërtimin e plotë të sistemit të ujësjellës-kanalizimeve, vendosjen e sinjalistikës vertikale dhe horizontale, instalimin e plotë të ndriçimit rrugor si dhe shtimin e gjelbërimit.

Mirëfunksionimi i Unazës së Vogël të Tiranës, Unazës së Ndërmjetme dhe Unazës së Madhe do të çlirojnë qendrën e Tiranës nga trafiku duke e ndryshuar destinacionin e një pjese të rrugëve në hapësira pedonale dhe të lëvizjes me biçikletë.

Unazat do të rrisin cilësinë e lëvizjes, por edhe rëndësinë e Tiranës si një qytet ndërlidhës për të gjithë rajonin duke lejuar kalimin e natyrshëm nga akset lindore në ato veriore e perëndimore dhe duke larguar trafikun e tranzitit ndërrurban nga qendra e qytetit.

Përfundimi i segmentit jug-perëndimor së Unazës së Madhe me të cilin angazhohemi për 4 vitet e ardhshme, do të ndihmojë në mirë-menaxhimin e trafikut tranzit e të gjithë rajonit lindor në drejtim të aeroportit Nënë Tereza si edhe portin e Durrësit. Ky investim siguron jo vetëm me pak kohë të humbur në trafik por edhe përmirësimin e cilësisë së ajrit i cili impaktohet në mënyrë direkte nga trafiku i rënduar. Realizimi në të ardhmen i segmentit verior do të marrë një rëndësi të vecantë sepse do të shërbejë gjithashtu si një portë hyrëse në qytet dhe do të ndërlidhet me rrugën e Arbrit.

ZONA E TEKNOLOGJISË DHE ZHVILLIMIT EKONOMIK- TEDA KASHAR (Technological Economic Development Area)

Po punohet për krijimin e një Zone të Teknologjisë dhe Zhvillimit Ekonomik, në të cilën Bashkia do të ketë rolin e zhvilluesit të kësaj zone duke përmbushur kriteret e legjisllacionit në fuqi. Projekti “TEDA Kashar” parashikon realizimin e një investimi me vlerë totale prej € 102,666,431, të ndarë sipas fazave dhe hapjen e 5.000-7.000 vende pune. Projekti synon të shtrihet në një sipërfaqe prej 35 ha në njësinë administrative Kashar, Bashkia Tiranë.

Ky projekt strategjik, synon të zgjerojë gamën e industrive operuese në treg, duke krijuar diversifikim për të tërhequr industri prodhuese komplekse siç janë: Industria e automobilit, ICT dhe Industria e pajisjeve elektronike. “TEDA Kashar” do jetë projekti i parë i mirëfilltë i cili inicion procesin e krijimit të Klasterave ekonomike sipas skemave më të suksesshme në rajon dhe Europë.

Komisioni i Investimeve Strategjike (KIS) duke parë potencialin e këtij investimi të rëndësishëm me ndikim strategjik për zhvillimin e vendit dhe me interes publik, me anë të Vendimit Nr. 1/8, datë 15.05.2020, i dha statusin e “Projekt me Potencial Strategjik Zona Teknologjike dhe e Zhvillimit Ekonomik (TEDA) Kashar”. Ky Vendim i rëndësishëm i hapi rrugë vijimit të mëtejshëm të procesit për përfitimin e Statusit përfundimtar “Investim/Investitor Strategjik” si dhe të statusit “Zonë Teknologjike dhe Zhvillimit Ekonomik”, status ky që iu dha Bashkisë Tiranë nga KIS me Vendimin nr 1/8 datë 15.07.2021. Në këtë kuadër, Bashkia e Tiranës në bashkëpunim me kompaninë konsulente si dhe aktorët e tjerë të përfshirë në këtë proces (AIDA, OST, OSHEE, UKT, ARRSH etj.), po punon për hartimin e Studimit të Fizibilitetit dhe Planit të Biznesit si dhe dokumentave të tjera të nevojshëm për aplikim. Pas përfitimit të Statusit “Investim/Investitor Strategjik” dhe “ZTZHE Kashar” përgjatë vitit 2022, Bashkia e Tiranës parashikon zbatimin e këtij projekti duke filluar me ndërtimin e infrastrukturës përkatëse, krijimin e paketës së plotë ligjore dhe incentivuese si dhe të një strategjie marketingu për thithjen e investimeve dhe ngritjen e industrive e bizneseve me teknologji të avancuar dhe potencial të lartë ekonomik.

RINDËRTIMI

Që prej vitit 2019, si rrjedhojë e pasojave të tërmetit të 26 Nëntorit 2019 si dhe Pandemisë COVID-2019, Tirana ka qenë përpara një sfide, e cila ka sjellë të nevojshme riorientimin e objektivave strategjike. Në fund të vitit 2019 nisën programet e rindërtimit, fillimisht me subvencionimin e qerasë për familjet e prekura nga tërmeti, dhe më tej në vitin 2020, me akordimin e fondeve buxhetore nga Qeveria, për programet e tjera si, për rindërtimin e banesave individuale, për ndërtimin e infrastrukturës arsimore, publike, ndërtimin e njësive të banimit, akt-ekspertiza, plane të detajuara vendore, grante rikonstruksioni.

Gjatë vitit 2022, ka vazhduar procesi për programet e rindërtimit, të cilat përveçse do t'i japin zgjidhje strehimit të banorëve të prekur nga tërmeti, do të ndikojnë në rimëkëmbjen ekonomike të qytetit.

Programet e rindërtimit të nisur në vitin 2020, si një mundësi për të sjellë më tepër zhvillim në zonat e prekura, dhe jo vetëm riparimin e dëmeve të shkaktura, janë programe ambicioze që kanë synuar rikonceptimin tërësor të zonave të prekura, në shumicën e rasteve. Si të tilla, këto projekte kërkojnë një shtrirje kohore të nevojshme për arritjen e synimeve e objektivave dhe zbatimi i tyre do të vijojë edhe gjatë vitit 2023.

Projektet e reja të planifikuara në PBA 2023 – 2025, sipas programeve, synojnë:

1. Infrastruktura rrugore e Transporti

Investimet brenda këtij programi do të përmirësojnë edhe më shumë cilësinë e infrastrukturës rrugore, duke vijuar me aplikimin e standardeve më të larta në gjithë territorin e Bashkisë Tiranë dhe do të përbëjnë 23 % të buxhetit të investimeve të Bashkisë së Tiranës për periudhën 2023 – 2025.

Gjatë vitit 2023 do të ndërhyhet me sistemim asfaltim të infrastrukturës rrugore, rikonstruksione, ndërtime të rrugëve të reja së bashku me rrjetet inxhinierike. Për të reduktuar trafikun do të kryhet transferimi i linjave të transportit ndërqytetas dhe ndërkombëtar jashtë unazës së mesme, deri në ndërtimin e terminaleve të udhëtarëve.

Dy nga projektet që do të ndihmojnë dhe do ti japin hov transportit në qytet janë : Projekti i monitorimit, menaxhimit dhe kontrollit të transportit publik qytetës, nëpërmjet sistemeve inteligjente të transportit (AVL), në nivel qëndror dhe lokal, si edhe sistemeve të informacioneve në kohë reale për pasagjerët (RTIP), për disa nga stacionet kryesore si dhe Subvencionimi për shërbimin e transportit publik qytetës në Bashkinë e Tiranës.

2. Arsimi bazë dhe parashkollor/Arsimi parauniversitar

Bashkia e Tiranës vijon skemën e partneritetit publik-privat për ndërtimin e 17 shkollave të reja, në programin e arsimit parauniversitar. Me ndërtimin e 10 shkollave të reja 9-vjeçare dhe 7 shkollave të reja të mesme, në qytetin e Tiranës do të marrë fund problemi i mësimit me dy turne. Përmes partneritetit publik privat, shkollat e reja do të ndërtohen me financimin e koncensionarit dhe Bashkia Tiranë do t'i paguajë me këste vjetore për një periudhë 7 vjeçare me anë të të ardhurave të mbledhura nga Taksa e përkohshme për infrastrukturën arsimore.

Pjesë e projekteve të këtij programi janë edhe objektet arsimore parashkollor dhe parauniversitare ekzistente, të cilat kërkojnë investime që synojnë përmirësimin e infrastrukturës arsimore, ambjenteve ndihmëse e rekreative, shtesa katesh etj.

Investimet në këtë program do të përbëjnë 10% të buxhetit të investimeve të Bashkisë së Tiranës për periudhën 2023-2025.

Programi ka të parashikuar si objektiv edhe shfrytëzimin e infrastrukturës së objekteve të arsimit parauniversitar pas përfundimit të procesit të mësimit në dobi të nxënësve dhe komunitetit, por edhe mbështetje duke dizenuar dhe aplikuar projekte social-arsimore që ndikojnë dukshëm në edukimin e fëmijëve. Gjithashtu është planifikuar që të ndërtohen shkollat ekzistuese si psh: Ndërtimi i shkollës 9 vjecare "Edit Durham" dhe Ndërtimi i shkollës 9 vjecare "Pjetër Budi".

3. Shërbimet publike vendore / Zhvillimi i Komunitetit

Investimet brenda këtij programi, të cilat synojnë përmirësimin e cilësisë së jetesës nëpërmjet përmirësimit të infrastrukturës në blloqet e banimit do të përbëjnë 31 % të buxhetit të investimeve të Bashkisë së Tiranës për periudhën 2023-2025.

Rehabilitimi i hapësirave publike, shtimi i gjelbërimit në të gjithë territorin e qytetit, krijimi i hapësirave të reja rekreative, rikualifikimi i rrjetit ekzistues të ndriçimit deri në 100% dhe sigurimi i ndriçimit për hapësirat e reja urbane, janë objektivat parësorë të këtij programi për 3 vitet e ardhshme. Konkretisht është planifikuar të rikualifikohen: Zona "Kodra e Diellit"-Faza I; Blloku që kufizohet nga rrugët "Mahmut Allushi"- "Ramazan Lici"- "Muhamet Deliu" - "Sotir Caci" ; Rijetësimi "Lagjia e artisteve" etj.

4. Familje dhe fëmijët / Papunësia / Strehimi

Parashikimi i buxhetit social, adreson objektivat zhvillimore të Bashkisë Tiranë në fushën sociale, që lidhen drejtpërsëdrejti me zbutjen e varferisë dhe zhvillim ekonomik të shtresave të caktuara.

Është misioni ynë që t'i sigurojë çdo qytetari të Tiranës, pavarësisht të ardhurave, origjinës, moshës, gjinisë, etnisë, edukimit, orientimit seksual, identitetit kulturor, bindjeve politike e fetare, shërbime publike cilësore.

Shërbimet e parandalimit, ndërhyrjes, mbrojtjes dhe ri-intergrimit të fëmijëve e familjeve të tyre në rrjedhën normale të jetës social-ekonomike, kjo përmes shërbimeve me bazë

komunitare, veçanërisht për fëmijët në situatë rruge, është një nga objektivat madhorë të këtij programi.

5. Shërbimet rekreative dhe sportive

Titulli “Tirana European Youth Capital 2022 ” i njohur si European Youth Capital 2022 është një titull i cili jepet një qyteti evropian në kuadër të nismës European Youth Capital. Në nëntor të vitit 2019 u fitua titulli dhe Tirana u shpall Kryeqyteti European i Rinisë për vitin 2022/Tirana European Youth Capital 2022. Gjatë vitit 2022, Titulli ka stimuluar mbështetjen dhe fuqizimin e të rinjve të qytetit të Tiranës dhe kthimin e qytetit në një qendër të takimeve ndërkombëtare dhe evropiane për çështjet e rinisë. Programi është mbështetur në zhvillimin e 8 programeve që përfshijnë të gjitha fushat e veprimtarisë që i dedikohen të rinjve 14-29 vjeç,:

- 1- Rinia bën ekonomi krijuese dhe Inovacion
- 2- Rinia krijon Kulturë
- 3- Rinia zhvillon Kapacitetet
- 4- Rinia merr pjesë
- 5- Rinia Diverse
- 6- Të rinjtë janë Europeanë
- 7- Rinia dhe Shëndeti mjedisor
- 8- Hapësirat për të rinjtë

Zhvillimi i programit “Tirana European Youth Capital 2022”, do të ketë fazën përmbyllëse deri në Korrik për vitin 2023, në përputhje me parashikimet e aplikimit të Tiranës si Kryeqyteti European i Rinisë (Pika 12. – Ndikimi dhe Vijueshmëria Afatgjatë), për të siguruar kohëzgjatjen dhe vazhdimësinë e impaktit të titullit Kryeqyteti European i Rinisë tek qindra organizatave jofitimprurëse, grupeve joformale dhe individëve të cilët janë përfshirë në projekte, aktivitete dhe evente përgjatë këtij viti, për të mundësuar vijueshmërinë e impaktit të programit në vitin pasues.

Gjithashtu, do të planifikohen aktivitetet në kuadër të titullit “Kryeqytet i Sportit për vitin 2023”, nëpërmjet një sërë projektesh më këtë fokus të vecantë.

KAPITULLI III
PARASHIKIMET BUXHETORE AFATMESME 2023-2025

III. 1. PARASHIKIMI I TË ARDHURAVE TË VETA BASHKISË SË TIRANËS PËR PERIUDHËN 2023-2025

Për vitin 2023 të ardhurat nga taksat e tarifave vendore janë parashikuar në vlerën e 16,433,500,000 lekë. Një pasqyrim në vija të përgjithshme i parashikimit të të ardhurave për vitet 2023 - 2025, mund të shihet në tabelën më poshtë:

në lekë

Lloji i të ardhurave	Plani 2022	Parashikimi 2023	Parashikimi 2024	Parashikimi 2025
Të ardhura tatimore	9,721,200,000	10,879,500,000	11,524,000,000	11,568,000,000
Të ardhura jo tatimore	4,686,053,000	5,554,000,000	5,607,000,000	5,662,000,000
Totali i të ardhurave të veta	14,407,253,000	16,433,500,000	17,131,000,000	17,230,000,000
Transferta e Pakushtëzuar e përgjithshme	2,523,450,650	3,008,634,292	3,008,634,292	3,118,503,000
Transferta e Pakushtëzuar Sektoriale	1,269,437,150	1,324,954,914	1,324,954,914	1,324,954,914
Total Transferta	3,792,887,800	4,333,589,206	4,333,589,206	4,443,457,914
Të ardhura të mbartura	5,400,000,000	8,000,000,000	2,146,458,921	2,167,345,791
Te ardhura te planifikuara nga donatorët	8,823,261	5,787,444	0	0
Total	23,608,964,061	28,772,876,650	23,611,048,127	23,840,803,705

Bazuar në legjislacionin rregullator dhe vendimeve të Këshillit Bashkiak, për mbledhjen e të ardhurave nga taksat dhe tarifave vendore, pjesë e paketës fiskale të Bashkisë Tiranë, janë përcaktuar edhe strukturat përkatëse për mbledhjen e tyre, si më poshtë:

- Drejtoria e Përgjithshme e Taksave dhe Tarifave Vendore;
 - Tirana Parking;
 - Strukturat e Aparatit të Bashkisë;
 - Agjentët tatimorë.
- Drejtoria e Përgjithshme e Taksave dhe Tarifave Vendore, është struktura kryesore për mbledhjen dhe rakordimin e të gjitha të ardhurave të Bashkisë së Tiranës, e cila administron plotësisht procesin e mbledhjes së të ardhurave nga taksat e tarifave vendore për kategorinë e bizneseve, si dhe arkëton dhe ndjek procesin e rakordimit për të ardhurat që mblidhen nga struktura të tjera të Bashkisë dhe nga Agjentët Tatimorë.
- Tirana Parking, është struktura e specializuar vetëm për mbledhjen e tarifës së parkimit sipas VKB Nr.48 datë 11.11.2016 “Për krijimin e Tirana Parking si institucion në varësi të Bashkisë Tiranë për administrimin e shërbimit të parkimit publik me pagesë”.
- Strukturat e Aparatit të Bashkisë janë të angazhuara në administrimin e tarifave të shërbimit që aplikon vetë institucioni si dhe në taksat që zbatohen direkt prej tyre, arkëtimi i të cilave bëhet me tej nga Drejtoria e Përgjithshme e Taksave dhe Tarifave Vendore.
- Agjentët tatimorë të përcaktuar sipas ligjit dhe vendimeve të Këshillit Bashkiak, janë:
- DRSHTRR, për arkëtimin e taksës vjetore të mjeteve të përdorura;

- Agjencia Shtetërore e Kadastrës, për arkëtimin e taksës për kalimin e së drejtës së pronësisë për pasuritë e paluajtshme;
- Drejtoria Rajonale Tatimore, për arkëtimin e Tatimit të Thjeshtuar mbi Fitimin e BV; (tashmë prej vitit 2021 vetëm për pjesën e detyrimeve të prapambetura)
- Ujësjetllës Kanalizime Tiranë Sha, për arkëtimin e taksës së ndërtesës, taksës së përkohshme për infrastrukturën arsimore dhe tarifës së pastrimit nga kategoria Familjarë;

Të ardhurat e Bashkisë Tiranë për vitin 2023, paraqiten me një rritje prej 14% krahasuar me planin fillestar të vitit 2022. Në këtë parashikim ndikojnë disa elementë si më poshtë:

- Së pari, taksa e ndikimit në infrastrukturë nga ndërtimet e reja vazhdon të jetë një prej elementëve më të rëndësishëm të të ardhurave për Bashkinë Tiranë. Për vitin 2023 kjo taksë është parashikuar më një rritje prej 759 milionë lekë kundrejt planit aktual të vitit 2022.
- Së dyti, në parashikimet për taksat dhe tarifën e tjera vendore, është marrë në konsideratë vazhdimi i aplikimit të taksës së përkohshme për infrastrukturën arsimore.
- Së treti, taksa e fjetjes në hotel është parashikuar në nivelin e saj të viteve të mëparshme para pandemisë së covid-19 me kthimin në normalitet të lëvizjes së lirë të qytetarëve e cila do të bëjë të mundur kthimin në normalitet të aktivitetit të sektorit turistik.
- Së katërti, hapja e hapësirave të reja të rregulluara të parkimit do të sjell rritjen e të ardhurave nga ky shërbim.
- Së pesti, Drejtoria e Përgjithshme e Cerdheve dhe Kopshteve me hapjen e disa strukturave të reja do të rrisë të ardhurat e mbledhura nga tarifa e ushqimit e ofruar në këto facilitete.
- Së gjashti, është parashikuar në vlerën 600 milionë lekë kontributi në vlerë monetare i sektorit privat në krijimin e fondit publik të banesave sociale nga ndërtimet e reja e barazvlefshme me 3% të sipërfaqes funksionale ndërtimore në pronësi të investitorit/zhvilluesit për sipërfaqe ndërtimore mbi 2,000 metër katrorë, sipas referencave të njësisë ku ndodhet ndërtimi.
- Së shtati, është parashikuar një rritje në parashikim në lidhje me detyrimet e prapambetura në lidhje me taksën e ndërtesës, tarifën e pastrimit dhe taksën e përkohshme të infrastrukturës arsimore për të stimuluar rritjen e performancës në lidhje me mbledhjen e këtyre detyrimeve.
- Të ardhurat nga Tatimi mbi të ardhurat Personale (TAP), për vitin 2023 parashikohen në të njëjtin nivel me vitin 2022, për arsye të përcaktimit të mënyrës së shpërndarjes ndërmjet njësisë vendore në bazë të popullsisë, ndryshe nga parashikimet e mëparshme, sikurse shpjegohet më në detaje në kapitullin përkatës në vijim. Gjithashtu vazhdojnë të jenë të pa arkëtuara vitet 2018 dhe 2019, por ky parashikim nuk është bërë ende në buxhetin e shtetit. Efekti financiar është rreth 313,000,000 lekë.

Për sa më sipër të ardhurat për vitin 2022 paraqiten me një rritje prej 1,723,747,000 lekë ose 11% më shumë, krahasuar me parashikimet fillestare për këtë vit.

Në mënyrë të detajuar parashikimi i të ardhurave nga taksat dhe tarifën vendore të Bashkisë Tiranë, për periudhën 2023-2025, paraqitet si më poshtë:

TAKSA VENDORE

A) Taksa mbi ndërtesën

Taksa mbi ndërtesën është ndër burimet më me peshë në buxhetin e Bashkisë Tiranë dhe përbën mesatarisht 16-18% të totalit të të ardhurave të veta.

Llogaritja e taksës për ndërtesën/njësi pronësore bazohet në shkallën në përqindje të taksës së miratuar me ligj, më specifikisht sipas pikes 5, te nenit 2, te VKM 132/2018, te ndryshuar, sipas kategorive të ndërtesave, si më poshtë:

- a) 0,05%, për ndërtesën/njësinë pronësore që përdoret, shfrytëzohet për banim;
- b) 0,2%, për ndërtesën/njësinë pronësore që përdoret, shfrytëzohet për veprimtari ekonomike;
- c) 30% e shkallës së taksës përkatëse, për të gjithë sipërfaqen ndërtimore, për të cilën zhvilluesi është pajisur me leje ndërtimi dhe nuk ka arritur ta përfundojë atë, sipas afatit të përcaktuar në aktin e miratimit të kërkesës për leje ndërtimi.

Për këtë qëllim, Ministria e Financave dhe Ekonomisë nëpërmjet Drejtorisë së Përgjithshme të Taksës së Pasurisë, në bashkëpunim me institucione të tjera qëndrore si, OSHEE, Drejtoria e Përgjithshme e Gjendjes Civile, Agjencia Shtetërore e Kadastrës, etj. kanë patur detyrimin e ngritjes së bazës së të dhënave, krijimin e Kadastrës Fiskale, si informacioni bazë i domosdoshëm për përlllogaritjen dhe mbledhjen e të ardhurave nga taksa mbi ndërtesën.

Për Bashkinë e Tiranës, struktura përgjegjëse për llogaritjen dhe mbledhjen e detyrimit për këtë taksë nga subjektet që realizojnë aktivitet ekonomik në territorin e Bashkisë Tiranë, është Drejtoria e Përgjithshme e Taksave dhe Tarifave Vendore, ndërsa për detyrimet e kategorisë familjarë, është përzgjedhur si Agjent tatimor Ujësjetllës-Kanalizime Tiranë sh.a, me vendim të Këshillit Bashkiak dhe rregulluar sipas Marrëveshjes së Bashkëpunimit nr. 25505 datë 21.06.2019.


Nëpërmjet strukturës së Drejtorisë së Përgjithshme e Taksave dhe Tarifave Vendore, Bashkia Tiranë ka aplikuar taksën mbi ndërtesën sipas ndryshimeve ligjore, për kategorinë e ndërtesave që shfrytëzohen për aktivitet ekonomik që prej hyrjes në fuqi të ligjit.

Gjatë vitit 2020, kjo taksë ka pasur një ulje në krahasim me vitet e mëparshme, për kategorinë biznese. Sikurse mund të kuptohet, viti 2020 ka pësuar ulje në realizimin e kësaj taksë për shkak të problematikave dhe vështirësive ekonomike që kanë përballuar bizneset gjatë periudhës së pandemisë Covid -19 si dhe marrjes së vendimit për uljen e detyrimit për sektorin hotelier në masën 30% për detyrimin vjetor të kësaj takse. Ndërsa realizimi i pritshëm i vitit 2022 pritet të jetë në nivelin e vitit 2021 duke marrë parasysh dhe arkëtimin e detyrimeve të mëparshme.

Realizimi i pritshëm i taksës së ndërtesës për vitin 2022 pritet të jetë në masën 84% kundrejt planit të vitit 2022.

Më poshtë paraqitet realizimi në vite i taksës mbi ndërtesën për kategorinë e subjekteve të biznesit:

	në lekë					
Taksa mbi ndërtesën	2017	2018	2019	2020	2021	I pritshmi 2022
Biznesi	1,457,892,780	1,586,349,438	1,605,209,838	1,380,326,027	1,643,669,627	1,650,280,746



Për sa i përket kategorisë së ndërtesave që shfrytëzohen për banim, për shkak të mangësiwe thelbësore në databazën e Kadastrës Fiskale, që e bënin të pamundur implementimin e taksës mbi bazë të vlerës, Bashkia e Tiranës ka angazhuar agjentin tatimor për të krijuar bazën e të dhënave, në përputhje me rradhën e prioriteteve të përcaktuara në Vendimin nr.132, datë 07.03.2018 “Për metodologjinë për përcaktimin e vlerës së taksueshme të pasurisë së paluajtshme “ndërtesa”, e bazës së taksës për kategori specifike, natyrën dhe prioritetin e informacionit dhe të dhënave për përcaktimin e bazës së taksës, si dhe të kritereve dhe rregullave për vlerësimin alternativ të detyrimit të taksës”. Agjenti Tatimor, me anën e strukturës së posaçme për përmbushjen e këtij detyrimi, ka marrë masa për plotësimin e bazës së të dhënave për faturimin, duke u bazuar fillimisht në vetëdeklarimet e qytetarëve pranë zyrave të agjentit tatimor.

Për familjet që nuk kanë kryerë vetdeklarimin faturimi është kryer në bazë të hapave të parashikuar në Vendimin nr.132, datë 07.03.2018 “Për metodologjinë për përcaktimin e vlerës së taksueshme të pasurisë së paluajtshme “ndërtesa”, e bazës së taksës për kategori specifike, natyrën dhe prioritetin e informacionit dhe të dhënave për përcaktimin e bazës së taksës, si dhe të kritereve dhe rregullave për vlerësimin alternativ të detyrimit të taksës” të ndryshuar.


Ky proces është vështirësuar gjatë këtyre viteve nga pamundësia e aksesit në banesat e qytetarëve për kryerjen e matjeve në terren të sipërfaqeve të banueshme.

Viti 2021 është viti me realizimin e më të lartë gjatë kësaj periudhe 6 vjeçare duke treguar angazhimin e njësisë së dedikuar të Drejtorisë së taksave dhe tarifave vendore pranë Ujësjetllës – kanalizime Tiranë sha.

Më poshtë shohim realizimin e të ardhurave nga taksa e ndërtesës ndër vite për kategorinë “Familjarë” të pasqyruar si më poshtë:

Në lekë

Taksa mbi ndërtesën	2017	2018	2019	2020	2021	I pritshmi 2022
Familjarë	216,542,796	228,647,177	233,353,993	536,606,757	666,341,648	671,248,150



Planifikimi i të ardhurave për periudhën 2023 – 2025 merr në konsideratë planifikimin për kategorinë e bizneseve në bazë të të dhënave të DPTTV dhe një parashikim për mbledhje të detyrimeve të prapambetura, ndërsa për kategorinë familjare në bazë të një vlerësimi paraprak, sipas të dhënave aktuale që disponohen nga baza e të dhënave e krijuar nga Agjenti Tatimor.

Në vitin 2023, të ardhurat nga taksa mbi ndërtesën janë parashikuar në vlerën 2,912,000,000 lekë.

Ky parashikim ka marrë parasysh kthimin në normalitet dhe mundësinë e vjeljes për më shumë subjekte si ato të biznesit dhe ato familjare.

Në këtë parashikim përfshihen të ardhurat nga kategoria familjarë dhe kategoria e biznesit, si më poshtë:

në lekë

Lloji i të ardhurave	Plani 2022	Parashikimi 2023	Parashikimi 2024	Parashikimi 2025
Taksa mbi pasurinë e paluajtshme	2,640,000,000	2,912,000,000	2,944,000,000	2,977,000,000
- Familjarët	670,000,000	712,000,000	722,000,000	733,000,000
- Subjektet Tregtare	1,970,000,000	2,200,000,000	2,222,000,000	2,244,000,000

B) Taksa e ndikimit në infrastrukturë nga ndërtimet e reja

Taksës së ndikimit në infrastrukturë nga ndërtimet e reja i nënshtrohen të gjitha subjektet që kërkojnë të pajisen me leje zhvillimore dhe leje ndërtimi për objekte banimi, administrative, prodhimi, shërbimi e tjera.


Struktura e ngarkuar për këtë taksë është Drejtoria e Përgjithshme e Planifikimit dhe Zhvillimit të Territorit, e cila ndërkohë që pranon kërkesat, i shqyrton ato dhe pas miratimit nga Titullari, kryen edhe zbardhjen e kësaj leje kundrejt arkëtimit më parë të vlerës sipas përcaktimeve ligjore.

Realizimi i të ardhurave nga taksa e ndikimit në infrastrukturë nga ndërtimet e reja paraqitet në ulje në krahasim me realizimin e vitit 2021. Realizimi i të ardhurave nga kjo taksë tejkalon planin e miratuar si rrjedhojë e aplikimeve përtej parashikimeve.

Ndryshe nga cdo fushë tjetër e aktivitetit tregtar, sektori i ndërtimit ka vazhduar të jetë një prej shtyllave bazë të zhvillimit ekonomik dhe njëri prej aktiviteteve që sjell më shumë të ardhura. Vlen të theksohet që ky sektor nuk është ndikuar sikundër sektorët e tjerë nga masat kufizuese të pandemisë.

në lekë

	2017	2018	2019	2020	2021	I pritshmi 2022
Taksa e ndikimit në infrastrukturë nga ndërtimet e reja	3,334,882,679	5,398,328,978	6,315,307,289	6,350,959,457	7,438,141,907	6,547,957,989



Referuar vlerësimeve të drejtorisë përgjegjëse pritet që ecuria e arkëtimit për vitin 2023 të jetë nën nivelin e viteve të fundit dhe do të jetë në rritje në vitet në vazhdim. Kjo për arsye se të ardhurat nga kjo taksë parashikohet të mbështeten kryesisht në zhvillimet e reja që pritet të shtohen Tiranës në zonën e mirëplanifikuar të Bulevardit të Ri, ku është miratuar edhe Plani i Detajuar Vendor nga Këshilli Kombëtar i Territorit – plan ky që i hap rrugë zhvillimit.

Konkretisht për vitin 2023 dhe në vijim 2024 dhe 2025, parashikimet për këtë taksë, paraqiten si më poshtë:

në lekë

Lloji i të ardhurave	Plani 2022	Parashikimi 2023	Parashikimi 2024	Parashikimi 2025
Taksa e ndikimit në infrastrukturë nga ndërtimet e reja	4,800,000,000	5,559,000,000	6,160,000,000	6,160,000,000

C) Taksa e përkohshme për infrastrukturën arsimore

Taksës së përkohshme për infrastrukturën arsimore i nënshtrohen të gjitha familjet, personat fizikë ose juridikë, vendas ose të huaj, që banojnë dhe ushtrojnë veprimtari ekonomike brenda territorit të Bashkisë së Tiranës.


Drejtoria e Përgjithshme e Taksave dhe Tarifave Vendore arkëton detyrimin e kësaj takse nga subjektet që realizojnë aktivitete ekonomike në territorin e Bashkisë Tiranë, ndërsa detyrimi nga kategoria familjarë arkëtohet nga agjenti tatimor i përzgjedhur për këtë qëllim, Ujësjellës-Kanalizime Tiranë sh.a.

Taksa e përkohshme e infrastrukturës arsimore ka një realizueshmëri të kënaqshme që nga koha e hyrjes në fuqi, në vitin 2016, si për kategorinë biznese edhe për kategorinë familjarë. Gjatë vitit 2021-2022 janë shlyer detyrime të prapambetura nga subjektet në lidhje me detyrimet e vitit 2020.

Të dhënat e ecurisë paraqiten në tabelën më poshtë:

në lekë

Emërtimi	2017	2018	2019	2020	2021	I pritshmi 2022
Taksa e përkohshme për infrastrukturën arsimore	681,927,166	730,095,161	699,773,149	649,392,794	756,967,278	764,179,452



Për periudhën 2023 – 2025, parashikimi i të ardhurave nga kjo taksë e përkohshme, është si vijon:

në lekë

Lloji i të ardhurave	Plani 2022	Parashikimi 2023	Parashikimi 2024	Parashikimi 2025
Taksa e përkohshme për infrastrukturën Arsimore	810,000,000	751,000,000	758,000,000	766,000,000
Familjarët	320,000,000	200,000,000	202,000,000	204,000,000
Subjektet Tregtare	490,000,000	551,000,000	556,000,000	562,000,000

Taksa e përkohshme e infrastrukturës arsimore e ka vitin e fundit të aplikimit vitin 2022. Duke qenë se nevojat për infrastrukturë arsimore dhe angazhimet në këtë fushë do të shtrihen përtej kësaj periudhe parashikohet mbulimi i këtyre nevojave me rivendosjen e kësaj takse të përkohshme për një periudhë tjetër 3 vjeçare.

Parashikimi për periudhën 2023-2025 do të jetë në vlerat e mësipërme duke iu referuar si kufij maksimalë 35% të realizimit të pritshëm të taksës mbi pasurinë e paluajtshme ‘ndërtesë’ për të dy kategoritë e taksapaguesve.

D) Taksa e tabelës

Vendosja e tabelës për qëllim identifikimi është detyrim për të gjithë subjektet, me përjashtim të ambulanteve, subjekteve të transportit dhe profesioneve të lira.

Taksa e tabelës përbëhet :

I. Tabelë për qëllime identifikimi të trupëzuara ose jo brenda territori ku zhvillon veprimtarinë e biznesit dhe që nuk përdoret për të reklamuar veprimtarinë e të tretëve (ku shënohet emri dhe ose aktiviteti i biznesit:

- ✓ Tabelë deri në 2 m²;
- ✓ Tabelë mbi 2 m² deri në 10 m²;
 - e thjeshtë (pa ndricim)
 - me ndricim të thjeshtë;
 - elektronike.
- ✓ Tabelë mbi 10 m² deri në 20 m²;
 - e thjeshtë (pa ndricim)
 - me ndricim të thjeshtë;
 - elektronike.
- ✓ Tabelë mbi 20 m² deri në 40 m²;
 - e thjeshtë (pa ndricim)
 - me ndricim të thjeshtë
 - elektronike
- ✓ Tabelë mbi 20 m² deri në 40 m²;
 - e thjeshtë (pa ndricim)
 - me ndricim të thjeshtë
 - elektronike

II. Tabelë për qëllime identifikimi jashtë territorit ku zhvillohet veprimtaria e biznesit në formën dhe përmasat e tabelës për orientim.

III. Tabelë për qëllime reklamimi e lëvizshme/e palëvizshme deri në tavanin 35 m2:


- ✓ Tabelë e thjeshtë me/pa ndricim;
- ✓ Tabelë elektronike.

IV. Tabelë në funksion të ekspozimeve të ndryshme të hapura, panaire, spektakle, stenda reklamuese, banderola, etj. (të të gjitha përmasave)

Ecuria e taksës së tabelës ndër vite është përgjithësisht e qëndrueshme edhe pse arkëtimet nga kjo taksë varen nga përdorimi i tabelave reklamuese nga ana e bizneseve, i cili është i ndryshueshëm në varësi të zgjedhjes së biznesit për të reklamuar ose jo në një vit të caktuar, ndërkohë që për tabelën për qëllime identifikimi, deri në 2 m², masa e taksës është zero.

Realizimi në vite pasqyrohet në tabelën më poshtë:

Emërtimi	2017	2018	2019	2020	2021	<i>në lekë</i> I pritshmi 2022
Taksa e tabelës dhe reklamës	345,930,032	307,879,375	268,203,139	236,214,879	260,113,743	291,414,859



Referuar realizimit të pritshëm të të ardhurave për vitin 2022, nivelit të taksës së miratuar sipas ligjit, si dhe vlerësimeve paraprake mbi përdorimin e tabelave reklamuese, parashikimi i të ardhurave për vitet 2023 – 2025, paraqitet në tabelën si më poshtë:

në lekë

Lloji i të ardhurave	Plani 2022	Parashikimi 2023	Parashikimi 2024	Parashikimi 2025
Taksa e tabelës	300,200,000	320,000,000	323,000,000	325,000,000
Tabelë identifikuese/sinjalizuese	200,000	250,000	300,000	300,000
Tabelë reklamuese	300,000,000	319,750,000	322,700,000	324,700,000

E) Taksa për fjetjen në hotel

Struktura e ngarkuar për mbledhjen e kësaj takse është Drejtoria e Përgjithshme e Taksave dhe Tarifave Vendore. Llogaritja e kësaj takse, bazuar në legjislacionin në fuqi, bëhet sipas ndarjes në dy kategori:


- Subjekte hoteleri me 4–5 yje me nivel takse për 350 lekë/dhoma;
- Subjekte hotele, bujtinë, fjetinë, motel dhe çdo njësi tjetër akomoduese sipas përcaktimeve të ligjit për turizmin në nivel takse për 140 lekë/dhoma

Gjatë vitit 2020 sektori i hotelerisë ishte një nga sektorët më të prekur për shkak të pandemisë Covid – 19 dhe në bazë të raportimeve nga DPTTV, edhe pse filloi të ndryshonte gjatë vitit 2021 efekti i pandemisë vetëm këtë vit e uli ndikimin e vetë mbi turizmin dhe rrjedhimisht dhe në sektorinë e hotelerisë.

Performanca e kësaj takse ndër vite me shifra dhe grafikisht paraqitet si më poshtë:

në lekë

Emërtimi	2017	2018	2019	2020	2021	I pritshmi 2022
Taksa e fjetjes në Hotel	83,170,711	98,004,072	113,966,275	35,815,582	67,226,382	97,967,701



Bazuar në të dhënat historike të realizimit të arkëtimit, parashikimi i të ardhurave nga taksa e fjetjes në hotel për vitet 2023–2025 duke marrë parasysh kthimin në normalitet të levizje së lirë dhe frekuentimit të këtyre strukturave hoteliere paraqitet si më poshtë:

në lekë

Lloji i të ardhurave	Plani 2022	Parashikimi 2023	Parashikimi 2024	Parashikimi 2025
Taksa e fjetjes në hotel	65,000,000	100,000,000	100,000,000	100,000,000


F) Taksa mbi truallin

Baza e taksës mbi truallin është sipërfaqja e truallit në m², në pronësi apo përdorim të taksapaguesit.

Sipërfaqja e truallit në pronësi përcaktohet sipas dokumenteve që e vërtetojnë atë. Në rast të mungesës së dokumentacionit të pronësisë, përdoruesi i truallit bën një vetëdeklarim të sipërfaqes së truallit në përdorim.

në lekë

Emërtimi	2017	2018	2019	2020	2021	I pritshmi 2022
Taksa mbi Truallin	52,741,453	55,345,234	56,079,090	50,714,059	65,136,671	82,660,160



Bashkitë ndodhen në mungesë të bazës së të dhënave për këtë taksë si dhe në pritje të akteve ligjore plotësuese për taksimin e truallit, si një taksë qendrore për t'u aplikuar nga njësitë vendore dhe si rrjedhim, planifikimi bazohet në të dhëna historike dhe trendin vjetor përkatës të ndryshimeve të arkëtimit.

Për vitet 2023 – 2025, parashikimi të ardhurave nga kjo taksë jepet në tabelë:

në lekë

Lloji i të ardhurave	Plani 2022	Parashikimi 2023	Parashikimi 2024	Parashikimi 2025
Taksa mbi truallin	65,000,000	85,000,000	86,000,000	87,000,000

G) Taksa mbi tokën bujqësore.


Baza e taksës mbi tokën bujqësore është sipërfaqja e tokës bujqësore, në hektar, në pronësi të taksapaguesit. Sipërfaqja e tokës në pronësi përcaktohet sipas dokumenteve që e vërtetojnë atë. Për çdo kategori minimale të tokës bujqësore, Këshilli Bashkiak mund të miratojë nënkategorizime. Vlera e taksës në lekë/hektar/vit, miratuar me akte ligjore sipas bashkive dhe kategorisë së tokës, paraqitet në tabelë:

Kategoritë e tokës bujqësore	Lekë/ha/vit
I	5 600
II	4 900
III	4 200
IV	3 600
V	3 000
VI	2 400
VII– X	1 800

Aktualisht, në mungesë të një baze të dhënash mbi tokën bujqësore, planifikimi bazohet në të dhënat historike të arkëtimit dhe trendit vjetor përkatës të ndryshimeve të arkëtimit për këtë taksë. Bashkia e Tiranës është drejt finalizimit të regjistrimit të fermerëve të Tiranës, çka në vijim do të jetë një bazë e mirë të dhënash jo vetëm për t'u ardhur në ndihmë fermerëve, por dhe për efekt të taksimit të drejtë, bazë mbi të cilën është parashikuar një rritje në nivelin e arkëtimit nga kjo taksë për vitet në vijim.

në lekë

Emërtimi	2017	2018	2019	2020	2021	I pritshmi 2022
Taksa mbi tokën bujqësore	22,667,724	22,757,271	20,299,189	21,207,054	22,183,650	21,439,508



Parashikimi i të ardhurave nga taksa mbi tokën bujqësore për vitet 2023 –2025 gjithmonë në nivele më të larta se realizimi faktik , paraqitet si më poshtë.

në lekë

Lloji i të ardhurave	Plani 2022	Parashikimi 2023	Parashikimi 2024	Parashikimi 2025
Taksa mbi tokën Bujqësore	31,000,000	32,500,000	33,000,000	33,000,000

AGJENTËT TATIMORË JASHTË BASHKISË TIRANË

H) Taksa e kalimit të së drejtës së pronësisë për pasuritë e paluajtshme.

Mbledhja e kësaj takse realizohet nga strukturat e Agjencisë Shtetërore të Kadastrës, agjent tatimor që përfiton edhe 3% të shumës së arkëtuar.


Të dhënat për parashikimin e kësaj takse merren nga Agjencia Shtetërore e Kadastrës e cila finalizon dhe evidenton të gjitha rastet e transkriptimit të pronës duke llogaritur detyrimin si për llojin e pronësisë por dhe vlerën e detyrimit mbi bazën e sipërfaqes së taksueshme.

Kështu detyrimi për banesat është në nivelin 1,000 lekë/m² dhe për objektet e biznesit është 2,000 lekë/m². Numri i objekteve që transkriptohen është i lidhur ngushtë me lejet e shfrytëzimit të lëshuara nga njësitë vendore për objektet e përfunduara por dhe nga ALUIZNI për ato të legalizuara.

Ecuria në vite për këtë taksë paraqitet në tabelën e mëposhtme:

në lekë

Emërtimi	2017	2018	2019	2020	2021	I pritshmi 2022
Taksa mbi kalimin të drejtës pronësisë për pasuritë e paluajtshme	299,939,349	326,192,912	326,363,132	365,273,593	445,977,729	475,121,842



Bazuar në ecurinë faktike të viteve të kaluara, realizimin më të lartë të këtij viti krahasuar me vitet e mëparshme dhe në informacionin nga Agjencia Shtetërore e Kadastrës, parashikimi për vitet 2023 – 2025, paraqitet si më poshtë:

në lekë

Lloji i të ardhurave	Plani 2022	Parashikimi 2023	Parashikimi 2024	Parashikimi 2025
Taksa mbi kalimin të drejtës pronësisë për pasuritë e paluajtshme	400,000,000	480,000,000	480,000,000	480,000,000

I) Taksa vjetore e mjeteve të përdorura


E ardhura nga taksa, mbledhet nga strukturat e Drejtorisë së Përgjithshme të Shërbimeve të Transportit Rrugor (Drejtoria Rajonale Tiranë), para kryerjes së kontrollit teknik të detyrueshëm të mjetit, në zbatim të parashikimeve të ligjit nr.9975, datë 28.7.2008 “Për taksat kombëtare”, të ndryshuar.

Procedura e ndarjes së të ardhurave me buxhetet e njësive të qeverisjes vendore përcaktohet me vendim të Këshillit të Ministrave, bazuar në numrin e mjeteve të regjistruara sipas njësive të qeverisjes vendore por e konvertuar në përqindje, në masën 25 % e të ardhurave të realizuara për çdo muaj nga agjentët tatimor të DPSHTRR.

Realizimi i të ardhurave nga taksa e mjeteve të përdorura nga viti 2017 deri në vitin 2022, paraqitet në tabelen e mëposhtme:

në lekë

Emërtimi	2017	2018	2019	2020	2021	I pritshmi 2022
Taksa vjetore e mjeteve të përdorura	285,325,027	406,962,488	433,146,135	442,712,995	466,305,347	408,596,095



Parashikimi për vitet 2023 – 2025, paraqitet si vijon:

në lekë

Lloji i të ardhurave	Plani 2022	Parashikimi 2023	Parashikimi 2024	Parashikimi 2025
Taksa vjetore e mjeteve të përdorura	420,000,000	450,000,000	450,000,000	450,000,000

J) Tatimi mbi të ardhurat personale

Të ardhurat nga tatimi mbi të ardhurat personale që u takon Njësive të qeverisjes vendore përfaqësojnë vlerën 2% e totalit të të ardhurave nga Tatimi mbi të ardhurat personale që arkëtohet nga Drejtoria e Përgjithshme e Tatimeve.

Vlen të bëjmë me dije se për vitet 2018 dhe 2019, nuk është evidentuar asnjë e ardhur nga ky burim, ku strukturë mbledhëse është Drejtoria e Përgjithshme e Tatimeve, edhe pse ligji ka hyrë në fuqi që më 1 janar 2018, ndërsa gjatë vitit 2020 janë bërë dy ndarje të shumës së mbledhur në rang republike për vitin 2020 dhe për vitit 2021, dhe një ndarje për vitin 2022 në vlerën 69,682,411 lekë duke marrë si bazë llogaritje përqindjen e numrit të banorëve për Bashkinë e Tiranës kundrejt numrit total të banorëve në vend.

Në parashikimet nga kjo taksë, ndryshimi në krahasim me parashikimet e mëparshme i atribuohet edhe mënyrës së shpërndarjes ndërmjet bashkive i të ardhurave të përgjithshme të njësive vendore nga TAP. Ndërkohë që sipas parashikimeve fillestare ligjore shpërndarja do të duhej të bëhej sipas juridiksionit ku mblidhet taksa, për arsye të pamundësisë teknike, sipas MFE, shpërndarja është bërë në bazë të numrit të popullsisë të njësive vendore. Në këtë mënyrë pjesa takuese për Bashkinë e Tiranës është më e ulët se ç'do të ishte nëse shpërndarja do të bëhej në bazë juridiksioni.

Bashkia e Tiranës, për vitet 2023–2025, nisur nga llogaritjet e përafërta mbi përkatësinë e pjesës takuese nga totali i parashikuar nga DPT, ka parashikuar të njëjtin nivel të ardhurash për BT, si më poshtë:

në lekë

Lloji i të ardhurave	Plani 2022	Parashikimi 2023	Parashikimi 2024	Parashikimi 2025
Tatimi mbi të ardhurat personale	190,000,000	190,000,000	190,000,000	190,000,000

TARIFA VENDORE

K) Tarifa e pastrimit

Tarifës së Pastrimit i nënshtrohen të gjithë familjet, personat fizikë ose juridikë, vendas ose të huaj, që banojnë dhe ushtrojnë veprimtari ekonomike brenda territorit të Bashkisë së Tiranës.


Tarifa e pastrimit dhe largimit të mbeturinave mblidhet nga dy struktura, përkatësisht nga Drejtoria e Përgjithshme e Taksave dhe Tarifave Vendore për kategorinë e biznesit dhe Ujësjellës – Kanalizime Tiranë Sha për kategorinë familjarë.

Që prej vitit 2012 e në vijim tarifa e pastrimit mblidhet nga agjenti tatimor UKT sha, periudhë e cila shënon një rritje të ndjeshme të të ardhurave nga kjo tarifë, megjithëse jo në nivelin e kapacitetit. Si pasojë e reformimit të UKT sha, forcimit të administratës së institucionit dhe shtrirjes së kontrollit në të gjithë territorin e ri të Bashkisë së Tiranës, në vitin 2016 u arkëtuan thuajse dyfishi i të ardhurave të vitit 2015 dhe arkëtimi ka vijuar në nivele të qëndrueshme duke shënuar nivelin më të lartë në vitin 2018, ku përfshihen edhe disa detyrime të prapambetura të viteve të mëparshme që UKT sha nuk kishte arkëtuar pranë Bashkisë së Tiranës, por gjatë vitit 2021 gjithashtu taksa e pastrimit për familjarë ka arritur të ketë një ecuri mjaft pozitive dhe kështu duke shënuar nivelin më të lartë të arritur ndonjëherë nga kjo tarifë.

Paraqitja në vite e mbledhjes së këtyre të ardhurave është si më poshtë:

në lekë

Emërtimi	2017	2018	2019	2020	2021	I pritshmi 2022
Tarifa e pastrimit Familjarë	660,070,341	743,133,619	651,984,449	726,552,679	790,364,210	791,550,962




Lidhur me tarifën e pastrimit nga kategoria biznesi, vihet re një ecuri pozitive që tregon një ritëm në rritje të arkëtimit në katër vitet e fundit, në sajë të mirëadministrimit të saj nga strukturat e DPTTV.

E njëjta tarifë për kategorinë “subjekte tregtare” paraqitet në tabelën dhe grafikun në vijim:

në lekë

Emërtimi	2017	2018	2019	2020	2021	I pritshmi 2022
Tarifa e pastrimit Subjekte	1,055,409,334	1,141,146,525	1,138,546,202	1,215,758,389	1,448,405,768	1,519,013,025



Parashikimi i të ardhurave nga subjektet e biznesit është mbështetur në kapacitetin e taksapaguesve që përfaqësojnë numrin e subjekteve aktive të evidentuara dhe nivelin e tarifës për vitin ushtrimor, në të ardhurat që trajtohen nga strukturat e DPTTV që do të kryejnë në kohë njoftimet e subjekteve për detyrimin por në veçanti do të ndjekin edhe mbledhjen e tyre.

Për kategorinë familjarë parashikimi është bazuar në numrin e familjeve raportuar nga Agjenti tatimor.

Për vitin 2023-2025, parashikimi i arkëtimit të tarifës së pastrimit për kategorinë familjarë dhe subjektet tregtare, paraqitet si më poshtë:

në lekë

Lloji i të ardhurave	Plani 2022	Parashikimi 2023	Parashikimi 2024	Parashikimi 2025
Tarifa e pastrimit	2,315,424,000	2,590,000,000	2,616,000,000	2,642,000,000
- Familjarët	815,424,000	890,000,000	899,000,000	908,000,000
- Subjektet Tregtare	1,500,000,000	1,700,000,000	1,717,000,000	1,734,000,000

L) Tarifa për zënien e hapësirave publike

Tarifa për zënien e hapësirave publike llogaritet për sipërfaqen në m² të shfrytëzuar nga subjekti për ushtrimin e aktivitetit të indeksuar sipas zonës së vendndodhjes dhe nivelit të taksës për njësi të miratuar nga Këshilli Bashkiak.


Tarifa për zënien e hapësirave publike përbëhet nga:

- Zënia e hapësirës publike me kangjella, platforma, vazo, etj
- Zënia e hapësirës publike në tregjet publike.
- Zënia e hapësirës publike për organizimin e spektakleve ose panairove të ndryshme.

Arkëtimet nga tarifa e zënies së hapësirës publike janë rritur në mënyrë të qëndrueshme, që pas ndryshimeve në vitin 2016. Realizimi i kësaj tarife në vitin 2021 u mbyll në një nivel më të lartë nga viti 2020 edhe pse për periudhën prill – shtator 2021 me anë të vendimit të marrë nga Këshilli Bashkiak Nr.50, datë 06.04.2021 për faljen e kësaj tarife për subjektet që ushtrojnë aktivitetin e bar, restoranteve dhe hoteleve të klasifikuara si biznes i vogël. Për vitin 2022 realizimi pritet të jetë në nivele të mira duke synuar të arrijmë në nivelet e para pandemisë.

në lekë

Emërtimi	2017	2018	2019	2020	2021	I pritshmi 2022
Tarifa per zënien e hapësirave publike	345,627,823	386,489,538	385,666,800	223,680,468	276,055,695	302,674,126



Parashikimi i të ardhurave të kësaj tarife për vitet 2023 - 2025, është si më poshtë:

në lekë

Lloji i të ardhurave	Plani 2022	Parashikimi 2023	Parashikimi 2024	Parashikimi 2025
Tarifa për zënien e hapësirave publike	300,000,000	315,000,000	318,000,000	321,000,000
Tarifa për zënien e hapësirave publike me platforma betoni, kangjella.	280,000,000	294,000,000	296,000,000	298,000,000
Tarifa për zënien e hapësirave në tregjet publike	20,000,000	21,000,000	22,000,000	23,000,000

M) Tarifa e parkimit

Tarifa për parkimin e automjeteve në vend parkime publike përfaqëson pagesën e shërbimit që ofron Bashkia Tiranë për vendqëndrime të mjeteve kundrejt biletës, atyre të rezervuara dhe për taksitë e liçensuara.

Me qëllim evidentimin dhe ndjekjen operacionale të parkimit, territori i Bashkisë Tiranë është detajuar në zona tarifore sipas tipologjive, me qëllim vendosjen dhe vjeljen e tarifës së shërbimit të parkimit publik me pagesë – mbështetur në karakteristikat funksionale të tyre.

Në vitin 2021 arkëtimet kanë pësuar rritje në krahasim me vitin 2020 duke shënuar kështu dhe vlerë më të lartë të ketyre viteve të fundit.

Realizimi në vite dhe pritshmëria për vitin 2022, paraqiten në tabelën si më poshtë:

në lekë

Lloji i të ardhurave	2017	2018	2019	2020	2021	I pritshmi 2022
Tarifa e parkimit	338,295,014	454,788,832	469,401,688	400,015,660	498,689,407	492,675,328



Parashikimi i të ardhurave të realizuara nga tarifat e parkimit nga Tirana Parking për vitet 2023-2025 për parkimin në rrugë është bërë duke marrë parasysh kapacitetet e rrugëve me tarifim të cilat nga numërimi i fundit faktik në terren rezultojnë të jenë:

1. Zona A – 39 rrugë me 1111 vende me pagesë
2. Zona B – 26 rrugë me 1,081 vende me pagesë
3. Zona C – 9 rrugë me 375 vende me pagesë

Parashikimi i të ardhurave të realizuara nga tarifat e parkimit nga Tirana Parking për vitet 2023-2025 për parkimin në sheshe është bërë duke marrë parasysh kapacitetet e tyre që rezultojnë të jenë:

1. Zona A – 8 sheshe me 922 vende parkimi
2. Zona B – 5 sheshe me 600 vende parkimi
3. Zona C – 1 sheshe me 108 vende parkimi

Të ardhurat nga sektori i inspektimit në rrugë përveç shtimit të vendeve të reja është parashikuar të rriten dhe si pasojë e dy faktorëve të tjerë si:

- Shtimi i një metode të dytë alternative të pagesës së shërbimit të parkimit
- Shfrytëzimi më efikas i vendparkimeve aktuale

Në të njëjtën kohë është marrë parasysh vështirësia në realizim e të ardhurave që vjen si pasojë e dy faktorëve të mëposhtëm:

- Duke qenë se gjoha për mospagesën e tarifës së parkimit vendoset dhe arkëtohet nga Policia Bashkiake sjell vështirësi në realizimin e planit të parashikuar.
- Bllokime të rrugëve për shkak të kantierëve të ndërtimeve, punimeve në rrugë dhe aktiviteteve.

Së dyti, synohet të mblidhen detyrimet e prapambetura nga subjektet që operojnë si “taksi” duke bërë të mundur rritjen e të ardhurave për vitin 2023 e në vazhdim.

Së treti, numri i abonimeve i cili pretendohet të rritet me gati 5% duke marrë parasysh:

- Heqja e disa prej rrugëve me kapacitet të konsiderueshëm të vendparkimeve të Zonës A do të sjellë rritje të numrit të abonimeve.
- Tarifat e shërbimit të parkimit në rrugë gjithashtu ndikojnë për rritjen e numrit të abonimeve në sheshe.
- Shtimi në vitin 2022 i shesh parkimit nëntokësor të kopshti Zoologjik.

Së fundmi, duke marrë parasysh gjithë elementët e mësipërm dhe interesit të shprehur për kontrata të reja dhe rinovim të atyre ekzistuese nga subjektet private, edhe ky zë i të ardhurave të parashikuara nga Tirana Parking parashikohet të rritet mesatarisht me 4%.

Parashikimet për arkëtimin e tarifës së parkimit për vitet 2023 - 2025, paraqiten si më poshtë:

në lekë

Lloji i të ardhurave	Plani 2022	Parashikimi 2023	Parashikimi 2024	Parashikimi 2025
Tarifa e parkimit të automjeteve	574,603,000	602,000,000	623,000,000	647,000,000
Parkim me kontratë	156,400,000	165,000,000	170,000,000	177,000,000
Parkim me bileta	418,203,000	437,000,000	453,000,000	470,000,000

N) Tarifa për shqyrtimin e kërkesës për leje për punime

Tarifa paguhet në masën 1% të vlerës së investimit, vetëm një herë për të njëjtin aplikim për leje zhvillimi, infrastrukture dhe ndërtimi sipas përcaktimeve të legjislacionit në fuqi për

planifikimin e territorit. Siç mund të vihet re kemi një ulje të kësaj tarife pasi më parë kjo tarifë paguhej për cdo aplikim pavarësisht se lidheshin me të njëjtin ndërtim objekti.

Realizimi i të ardhurave nga kjo tarifë për periudhën 2017-2022 paraqitet si më poshtë:

Lloji i të ardhurave	2017	2018	2019	2020	2021	I pritshmi 2022
Tarifa për shqyrtimin e kërkesës për leje për punime	188,375,674	462,929,640	477,529,142	594,764,275	664,327,871	277,440,422



Parashikimi për tarifën e shqyrtimit e kërkesës për leje për punime për vitet 2023 – 2025, paraqitet si më poshtë:

Lloji i të ardhurave	Plani 2022	Parashikimi 2023	Parashikimi 2024	Parashikimi 2025
Tarifa për shqyrtimin e kërkesës për leje për punime	432,000,000	255,000,000	255,000,000	255,000,000

O) Të ardhura të tjera

Në të ardhurat e tjera përfshihen kryesisht të ardhura destinacioni i të cilave nuk identifikohet që në momentin e arkëtimit dhe shpërndahen në destinacionet përkatëse sipas rakordimeve që realizohen nga DPTTV. Gjithashtu këtu përfshihen edhe të ardhurat nga qeratë e ndërtesave dhe trojeve, të ardhura nga penalitete administrative apo gjoba të vendosura nga DPTTV apo strukturave të tjera si Policia Bashkiake, Agjencia për Mbrojtjen e Konsumatorëve, etj.

Në parashikimin e kryer për periudhën 2023-2025 kemi përfshirë për herë të parë shumën e mbledhur nga sektori privat si kontribut në vlerë monetare i sektorit privat në krijimin e fondit publik të banesave sociale nga ndërtimet e reja e barazvlefshme me 3% të sipërfaqes funksionale ndërtimore në pronësi të investitorit/zhvilluesit për sipërfaqe ndërtimore mbi 2,000 metër katrorë.

Ky parashikim mbart vlerën 600 milionë leke për të tre vitet 2023-2025.


P) Të ardhura nga pagesat për kopshte, çerdhe e konvikte

Për fëmijët që frekuentojnë kopshtet dhe çerdhet paguhet tarifa mujore, e cila përbëhet nga tarifa për ushqimin që llogaritet me tarifën ditore dhe ditët e frekuentimit të fëmijës gjatë një muaji.

në lekë

Lloji i të ardhurave	2017	2018	2019	2020	2021	I pritshmi 2022
Të ardhura DPÇK	172,962,563	188,452,835	203,445,619	139,884,930	216,992,553	188,271,069
Pagesa për kopshtet e fëmijëve	112,529,983	119,123,817	128,533,229	89,124,960	138,846,520	121,120,678
Pagesa për çerdhet e fëmijëve	60,432,581	69,329,019	74,912,390	50,759,970	78,146,033	67,150,391

Paraqitja grafike e mbledhjes së të ardhurave nga tarifa për ushqim paraqitet si më poshtë:



Parashikimi i të ardhurave për vitet 2023 – 2025 paraqitet si më poshtë vijon:

në lekë


Lloji i të ardhurave	Plani 2022	Parashikimi 2023	Parashikimi 2024	Parashikimi 2025
Pagesa për kopshtet e fëmijëve	152,384,000	230,000,000	230,000,000	230,000,000
Pagesa për çerdhet e fëmijëve	80,152,000	108,000,000	108,000,000	108,000,000

Struktura e ngarkuar për mbledhjen e tarifave është Drejtoria e Përgjithshme e Çerdheve dhe Kopshteve.

Të ardhurat e mbledhura nga pagesat e konvikteve të shkollave të mesme si më poshtë:

në lekë

Lloji i të ardhurave	2017	2018	2019	2020	2021	I pritshmi 2022
Pagesa për Konviktet e Shkollave të Mesme	5,747,030	6,744,125	6,103,881	4,572,310	4,777,298	2,688,302



Parashikimi i të ardhurave nga pagesa në Konviktet e Shkollave të Mesme, për vitet 2023 – 2025, paraqitet si më poshtë:

në lekë

Lloji i të ardhurave	Plani 2022	Parashikimi 2023	Parashikimi 2024	Parashikimi 2025
Pagesa per Konviktet e Shkollave te Mesme	4,200,000	7,000,000	7,000,000	7,000,000

III.2. Transfertat nga Buxheti i Shtetit dhe Fonde të mbartura


Transferta e Pakushtëzuar

Transferta e pakushtëzuar që buxheti qendror i transferon pushtetit vendor, përfshin fondet për përballimin e veprimtarive dhe të funksioneve që përcaktohen në aktet ligjore dhe nënligjore në fuqi. Transferta e pakushtëzuar e përgjithshme shpërndahet ndërmjet njësive të pushtetit vendor sipas formulës së paraqitur në ligjin nr. 68 datë 27.04 2017 "Për financat e vetqeverisjes vendore", ligjit vjetor të buxhetit si dhe udhëzimeve plotësues.

Ecuria e transfertës së pakushtëzuar për Bashkinë e Tiranës për periudhën 2016 – 2023 paraqitet si vijon:

Emertimi	2016	2017	2018	2019	2020	2021	2022	2023
	Plan							
Transferta e pakushtëzuar	1,531,458,969	1,913,119,744	2,138,631,000	2,348,723,419	2,424,942,357	2,438,116,570	2,523,450,650	3,008,634,292
Trendi rritjes	13%	20%	11%	9%	3%	1%	3%	16%

Grafikisht:



Transferta e pakushtëzuar nga Buxheti i Shtetit për vitin 2023, do të jetë në vlerën 3,008,634,292 lekë, me një rritje prej 16 %, krahasimisht me vitin e mëparshëm. Kjo transfertë përbën rreth 10% të buxhetit të planifikuar për vitin 2023.

Transferta e pakushtëzuar duhet t'i sigurojë Njësive të Qeverisjes Vendore diferencën mes kostos së ushtrimit të funksioneve (nevojat për shpenzime) dhe të ardhurave që ato krijojnë në mënyrë të pavarur.

Në vitin 2023, ashtu sikurse edhe në vitin 2022, transferata e pakushtëzuar do të përdoret për financimin e shpenzimeve korrente dhe kapitale.

Transferta e Pakushtëzuar Sektoriale


Funksionet e reja që iu transferuan bashkive në vitin 2016, me Ligjin nr. 139 datë 17.12.2015, “Për Vetëqeverisjen Vendore” si Transferta Specifike do të vazhdojnë të financohen edhe në buxhetin e vitit 2022 nëpërmjet Transfertës së pakushtëzuar sektoriale. Më konkretisht:

- Konviktet e arsimit parauniversitar
- Shërbimi i mbrojtjes nga zjarri dhe shpëtimi (MZSH)
- Personeli mësimor dhe jomësimor në arsimin parashkollor dhe personeli jomësimor në arsimin parauniversitar
- Rrugët rurale
- Administrimi i pyjeve
- Ujitja dhe kullimi
- Klubet sportive shumësportëshe , “Partizani” dhe “Studenti”

Ecuria e transfertës së pakushtëzuar sektoriale për Bashkinë e Tiranës për periudhën 2017 – 2023 paraqitet si vijon:

Emertimi	2017	2018	2019	2020	2021	2022	2023
	Plan						
Transferrat e pakushtëzuara sektoriale	874,641,054	992,080,016	1,159,433,601	1,176,039,602	1,368,453,014	1,269,437,150	1,324,954,914
Trendi rritjes		12%	14%	1%	14%	-8%	4%

Grafikisht:



Transferta e pakushtëzuar sektoriale nga Buxheti i Shtetit për vitin 2023, do të jetë në vlerën 1,324,954,914 lekë, me një rritje prej 4 %, krahasimisht me vitin e mëparshëm. Kjo rritje është rreth 3-4 % për cdo funksion të deleguar përveç funksionit të Klubeve sportive shumësportëshe “Partizani” dhe “Studenti”, funksion i cili nuk ka pësuar asnjëherë rritje që prej vitit 2019 që është deleguar.

Transfertat e Kushtëzuara

Fondet e kushtëzuara për financimin e funksioneve të deleguara, nuk miratohen si pjesë përbërëse e buxhetit të njësite vendore, por reflektohen në dokumentin e realizimit të buxhetit, si fonde të administruara nga njësitë vendore. Sipas akteve ligjore në fuqi, funksione të deleguara në pushtetin vendor janë si më poshtë, por nuk kufizohemi vetëm në ato të cituara:

Shërbimi i gjendjes civile si funksion i deleguar i detyrueshëm, parashikimi i shpenzimeve për paga, sigurime shoqërore, shpenzime operative bëhen nga bashkitë, në bazë të kuotave dhe udhëzimeve më të detajuara që bëhen nga Ministria e Brendshme. Numri i punonjësve dhe kuotat përkatëse për këtë funksion përcaktohen nga Ministria e Punëve të Brendshme.

Qendrat e Rregjistrimit të Bizneseve, si funksion i deleguar i detyrueshëm, parashikimi i shpenzimeve për paga, sigurime shoqërore dhe shpenzime operative bëhet nga bashkitë, në bazë të kuotave dhe udhëzimeve që bëhen nga Ministria e Financave dhe Ekonomisë.

Përkrahja sociale, si funksion i deleguar i detyrueshëm, Ministria e Shëndetësisë dhe Mbrojtjes Sociale detajon në fillim të vitit fondet për përkrahjen sociale për çdo njësi të qeverisjes vendore, në mënyrë specifike për ndihmën ekonomike dhe për pagesën e paaftësisë.

Fonde të mbartura

Fondet e mbartura përfaqësojnë ato fonde (likuiditete), të cilat janë gjëndje në fund të vitit buxhetor dhe nuk arrijnë të shpenzohen brenda këtij vitit për arsye të ndryshme si psh: tejkalimi të realizimit të të ardhurave, mos realizimi të shpenzimeve të planifikuara, të tjera të cilat afektojnë dinamikën e vitit si psh. ndryshimet në legjislacion, Programi i Rindërtimit apo vendime të marra nga Institucioni.

Konkretisht fondi i planifikuar për t'u mbartur për vitin 2023 nga Bashkia e Tiranës është 8,000,000,000 lekë.

Arsyet që afektojnë mbartjen janë si më poshtë:

1. Realizimi i të ardhurave: për vitin 2022, të ardhurat e Bashkisë së Tiranës janë me tejkalim kundrejt planit të miratuar. Deri në mesin e muajit Nëntor të ardhurat janë tejkaluar në vlerën 1,775,147,000 lekë, 112 %. Pritshmëritë deri në fund të vitit janë që, tejkalimi të ardhurave të jetë në vlerën 2,352,066,000 lekë.
2. Realizimi i shpenzimeve: për periudhën Janar – Tetor 2022 treguesit e realizimit të buxhetit janë në vlerën 43% nga të ardhurat dhe transfertat e përgjithshme dhe ajo sektoriale. Referuar një prognoze të kryer për muajt nëntor – dhjetor 2022 duke marrë në konsideratë dhe % e realizimit të dy muajve të fundit të vitit të kaluar, pritet një realizim i buxhetit deri në 50 – 55 % të planeve të miratuara.
 - o Realizimi i ulët reflektohet më së shumti në ecurinë e shpenzimeve kapitale, ku arsyeja kryesore është ndryshimi në kosto të objekteve ekzistuese në buxhetin e vitit 2022, si rezultat i ndryshimeve të çmimeve për disa materiale ndërtimi, nëpërmjet Aktit Normativ Nr.10 datë 18.05.2022 për “Kompensimin financiar të çmimit për disa materiale ndërtimi, sipas përcaktimeve në kontratat publike për punë, si pasojë e situatës të veçantë të krijuar në treg gjatë vitit 2022”. Duke qenë në pritje të ndryshimeve në fjalë, procedurat e prokurimit nuk kanë vijuar gjatë pjesës së parë të vitit 2022. Me miratimin e aktit normativ, janë rishikuar dhe miratuar në Këshillin

Teknik preventivat e punimeve për disa objekte të ndryshuara, në përputhje me çmimet e tregut. Më tej, ndryshimet janë reflektuar rast pas rasti në vendime të Këshillit Bashkiak. Si pasojë, procedurat e prokurimit kanë mundur të nisin vetëm në 6-mujorin e dytë të vitit, rrjedhimisht realizimi i tyre financiar nuk është i mundur brenda vitit 2022.

- Vendimi i fundit i Këshillit Bashkiak i miratuar në muajin Nëntor për ndryshim buxheti të vitit 2022, referuar kërkesave të përcjella nga strukturat ka dhënë impaktin e tij në mosrealizim. Buxheti i projekteve të reja të cilat do të duhet të nisin procedurat e prokurimeve në fund të vitit përkthehen në projekte ne proces të cilat nuk arrijnë të realizohen dot brenda vitit buxhetor.
3. Edhe në këtë vit buxhetor, fokus të veçantë kanë pasur përsëri fondet e rindërtimit, për të cilën gjatë këtyre tre viteve Bashkia Tiranë ka punuar dhe realizuar projekte për t'i ardhur në ndihmë qytetarëve të prekur nga kjo fatkeqësi natyrore duke marrë energjinë dhe vëmendjen e strukturave për të përmbyllur këtë process krahasimisht me punët/projektet që financohen nga të ardhurat, transfertat e pakushtëzuara dhe të kushtëzuara.

III.3. Burime te tjera financimi / Donacione

I. Donatorë vendas dhe të huaj

Tirana jonë, qyteti që rritet e zhvillohet çdo ditë, qyteti i të gjithë brezave, me problematikat e arritjet e çdo dite. Tirana jonë plot gjallëri, qyteti ku gjithkush bëhet pjesë e zhvillimit, mbështetjes për njerëzit në nevojë, një mjedisi më të gjelbëruar e cilësisht më të shëndetshëm.

Të shumtë janë individët, bizneset, institucionet e ndryshme brenda e jashtë vendit, të cilët janë bërë pjesë e iniciativave dhe nismave të Bashkisë Tiranë. Të gjitha donacionet janë realizuar nëpërmjet financimit të tyre në forma të ndryshme si: sponsorizime, dhurime, grante, ndihma humanitare, ofrim shërbimesh, konsulenca, marrëveshje bashkëpunimi, etj.

Duke nisur që nga fillimi i mandatit, në vitin 2015, Bashkia Tiranë ka arritur të sigurojë fonde donatore në vlerën 2,694,505,217 lekë për projekte specifike dhe ka finalizuar 2,210 kontrata/marrëveshje të frytshme për financimin dhe realizimin e projekteve të ndara sipas fushave të mëposhtme:

Nr.	Emërtimi i bashkëpunimit/ projektit donator	Në lekë	
		Numri i Kontrata ve	Vlera e donacioneve
1	Projekti i gjelbërimit, mbjelljet e reja në Tiranë, mobilim urban, rehabilitim i mjediseve publike, etj	1035	412,055,313
2	Projektet e investimit në infrastrukturë, rrugë, sinjalistike, dhe ne objektet publike shkolla, cerdhe, kopshte, konvikte, etj	503	1,106,128,963
3	Dhurim automjete, pajisje, kompjutera, etj	160	161,445,910
4	Ndihma humanitare, projekte sociale, kulturore, etj	326	271,783,991
5	Marrëveshje Bashkëpunimi, Programe Financimi, Grante, etj	186	743,091,040
Totali		2210	2,694,505,217

- Pyllëzimi i Tiranës është një ndër projektet më të rëndësishme të zbatuara nga Bashkia Tiranë, me impakt të drejtëpërdrejtë për shëndetin tonë dhe mjedisin ku jetojmë. Zbatimi i këtij projekti e ka kthyer Tiranën në një nga qytetet me atraktive dhe shembull për gjeneratat që do të lemë pas. Të shumtë janë qytetarët dhe banorët në kryeqytet, institucionet, organizatat vendase dhe të huaja, ambasadat, bizneset, banorët e pallateve, nxënësit nëpër shkolla etj., që janë bërë pjesë e kësaj nisme, duke dhuruar bimësi dhe drurë dekorativë për shtimin e gjelbërimit në Tiranë dhe zgjerimin e kurorës së gjelbër të Pyllit Orbital. Një punë e madhe është bërë për rehabilitimin e lulishteve, mbjellje të ndryshme në parqet dhe rrugët e Tiranës, sipas planifikimit për pyllëzimin e Tiranës dhe rritjen e frymëmarrjes së kryeqytetit, mobilim urban, etj, në bashkëpunim dhe koordinim të nevojave dhe zbatimit të tyre me APR dhe Drejtorinë e Përgjithshme të Pastrimit dhe Gjelbërimit, si dhe në kuadër të nismave: “Pyllëzimi i Tiranës”, “Luaj@Tirana”, “Mbill pemën tënde”, “Dhuro një pemë”, “Dhuro një stol”, “Mbill një pemë në parkun/lagjen tënde” dhe “Vendos një stol në lagje apo në park”, duke lidhur 1035 kontrata për projekte me fonde donatore në vlerën 412,055,313 lekë.

- Në fokus të vazhdueshëm Bashkia Tiranë ka patur zhvillimin e projekteve të investimit në infrastrukturë, rrugë, sinjalistikë, dhe në objektet publike shkolla, çerdhe, kopshte, konvikte. Këto përfshijnë investimet që janë bërë në objektet shkollore me mbështetjen e donatorëve; për rehabilitimin, kur ka qenë e mundur dhe ndërtimin tërësisht nga e para të tyre, kur ka qenë e nevojshme. Ndërhyrjet në objektet shkollore kanë prekur jo vetëm godinat, por edhe vendosje të sistemeve të ngrohjes, pajisje me kompjutera të laboratorëve të informatikës, mobilim të klasave, pajisje me mjete mësimore si dhe pajisje laboratorike, rehabilitimi i këndeve sportive dhe palestrave. Një nga prioritetet e vazhdueshme nisur që prej fillimit të mandatit në vitin 2015 ka qenë sigurimi i mjediseve sa më të përshtatshme dhe të sigurta për rritjen dhe edukimin e qytetarëve më të vegjël të Tiranës, duke iniciuar dy nisma: Projekti "Adopto një çerdhe" dhe "Adopto një kopsht". Këto nisma kanë patur mbështetje të gjerë nga shumë biznese e qytetarë, të cilët kanë kontribuar për rehabilitimin dhe ndërtimin nga e para të objekteve parashkollore kopshte e çerdhe kur ka patur nevojë, gjithashtu kanë bërë të mundur dhe mobilimin e pajisjen me gjithçka të nevojshme, për krijimin e ambjenteve të sigurta e funksionale për grupmoshat përkatëse. Ndërhyrjet në këto ambjente kanë qenë të shumta e të konsiderueshme. Këto ndërhyrje kanë përfshirë procese të ndryshme si: heqjen e lagështirës, rikonstruksione të pjesshme, lysterje të mureve të brendshme dhe të jashtme, vendosje kondicionerësh, mobilime të ndryshme në krevatë, dyshekë, tavolina, karrike e shumë e shumë produkte të tjera, kompletimi i tualeteve si dhe kuzhinave me pajisje bashkëkohore të përshtatshme dhe të miratuara për përdorim për fëmijët e secilës grupmoshë. Gjithashtu ndërhyrje ka pasur edhe në ambientet e jashtme të kopshteve e çerdheve, ndërhyrje që kanë konsistuar në: sistemime territori, rregullimi i trotuareve, lysterje fasade, mbjellje frutash, perimesh, lule, vendosja e këndeve të lojrave, etj. Ndërhyrje të shumta janë bërë edhe në infrastrukturë duke pëfshirë punime si: rehabilitime në rrugë, vendosjen e sinjalistikave apo kangjellave mbrojtëse, instalimin e ndriçimit të teknologjisë inteligjente LED, risuvatimin dhe rifreskimin e ngjyrave në fasadat e pallateve, vendosjen e rrampave për të garantuar aksesueshmërinë e personave me aftësi të kufizuar, risistemimin e shtratit të lumenjve apo urave të ndryshme, etj. Këto ndërhyrje i kanë ndryshuar jo vetëm pamjen kryeqytetit, por kanë ndikuar edhe në përmirësimin e cilësisë së jetës për qytetarët. Me mbështetjen e donatorëve Bashkia Tiranë ka përmirësuar kushtet në godinat e Rezidencave Studentore Universitare Nr. 1 dhe Rezidencës Studentore Universitare Nr. 2, duke krijuar ambjente bashkëkohore akomodimi, studimi e argëtimi. Përveç ndërhyrjes për rikonstruksion, rregullim të fasadave, dyerve, dritareve, meremetim të ambjenteve të brendshme, në godinat e RSU1 e RSU2 është bërë edhe sistemimi i ambjenteve të jashtme, mbjellja e pemëve, si dhe pajisja e një pjese të konsiderueshme të dhomave me shtretër e mobilje të reja.

Disa Qendra Shëndetësore, të cilat kanë patur nevojë për ndërhyrje pas dëmeve të shkaktuara nga tërmetet e nëntorit 2019, por edhe për të ofruar shërbime më cilësore për komunitetin, kanë përthithur fonde donatore për rikonstruksionin apo ndërtimin nga e para të tyre.

Bashkia e Tiranës përkrah inisiativat për përmirësimin e cilësisë së ajrit, duke përdorur burime energjie të cilat ulin ndotjen, si përdorimi i makinave elektrike. Kësaj iniciative i janë bashkuar institucione të ndryshme, që kanë dhuruar vendosjen e aparateve për karikimin e automjeteve në pika të ndryshme në kryeqytet.

Projektet në infrastrukturë kanë përthithur fonde donatore në vlerën 1,106,128,963 lekë dhe janë finalizuar 503 kontrata.
- Thirrjeve të Bashkisë Tiranë, për të ndihmuar shtresat në nevojë si: fëmijët dhe familjet në nevojë apo në situatë rruge, personat me aftësi të kufizuar e në pamundësi

ekonomike, të moshuarit, apo çdo familje në Tiranë e gjendur në kushtet e emergjencave i janë përgjigjur pa hezitim e shumë shpejt donatorë të ndryshëm si ; biznese, shoqata, institucione apo dhe individë. Të shumtë janë donatorët, të cilët në kuadër të përgjegjësisë sociale e ndjeshmërisë njerëzore kanë kontribuar e vazhdojnë të kontribuojnë për plotësimin e nevojave në magazinat e emergjencave të qytetit apo për realizimin e aktiviteteve të bamirësisë, si dhe të furnizimit të përditshëm me ushqime në menca sociale të qytetit. Me rastin e festave për familjet në nevojë janë shpërndarë pako me ndihma dhe ushqime nga donatorë të ndryshëm. Donatorë të shumtë kanë dhënë kontributin e tyre për rikonstruksionin e përmirësimin e infrastrukturës në Qendrat Sociale, për të plotësuar më mirë nevojat e frekuentuesve të këtyre qendrave.

Tirana është patjetër një qendër kulture, ndaj të shumtë janë donatorët që kanë dhuruar libra nga biblioteka e tyre personale për bibliotekat e lagjeve në Tiranë. Nismave të Bashkisë Tiranë për krijimin e pasurimin e muzeumeve vendore u janë bashkuar shumë donatorë, duke kontribuar në forma të ndryshme. Bashkia Tiranë në vijim të nismave të saj për të nxitur fëmijët e të rriturit të merren me sport dhe aktivitete të shëndetshme ka gjetur mbështetjen e shumë donatorëve.

Deri sot janë finalizuar 326 kontrata për mbështetjen e shtresave në nevojë, aktivitetet kulturore e sportive në territorin e Bashkisë Tiranë në vlerën 271,783,991 lekë.

- Nga donatorë të ndryshëm është siguruar mbështetje, që përfshin: pajisje të ndryshme në ndihmë të administratës, policisë bashkiake, zjarrfikëseve, institucioneve të varësisë apo drejtorive të aparatit të Bashkisë Tiranë, në kuadër të përmirësimit të shërbimeve ofruar qytetarëve dhe qytetit. Janë finalizuar donacionet me nënshkrimin e 160 kontratave në vlerën 161,445,910 lekë.
- Në kuadër të marrëveshjeve të bashkëpunimit për financimin dhe mbështetjen e nevojave dhe projekteve të ndryshme të Bashkisë Tiranë për investime, ndërhyrje në infrastrukturë, asistencë teknike apo ngritje kapacitetesh, studim fizibiliteti të standardit evropian etj, janë përthitur fonde në formë granti dhe financimesh të ndryshme. Këtu përfshihen edhe marrëveshjet që janë lidhur me donatorë të ndryshëm, individë apo kompani, për rehabilitimin e ndërtimin e banesave të dëmtuara nga tërmetet. Totali i marrëveshjeve të lidhura është 186 që arrijnë fondin prej 743,091,040 lekë.

III.4 PARASHIKIMI I SHPENZIMEVE PËR PERIUDHËN 2023 -2025

Shpenzimet e përgjithshme të Bashkisë së Tiranës për periudhën 2023 - 2025, për të gjitha funksionet parashikohen respektivisht në masën 28,772,876,650 lekë, 23,611,048,127 lekë dhe 23,840,803,705 lekë.

Në parashikimin e viteve buxhetore është përfshirë edhe një pjesë e konsiderueshme e fondit që planifikohet të mbartet nga viti paraardhës. Fondet e mbartura në këtë fazë përfshijnë fondet e papërdorura në vitin respektiv nga të Ardhurat e Bashkisë Tiranë.

Shpenzimet e përgjithshme të Bashkisë së Tiranës për vitet 2023-2025, parashikohen të ndara në formë tabelare dhe grafikiht si më poshtë sipas kategorisë ekonomike dhe sipas klasifikimit funksional.

Tabela 3. Shpenzimet totale të Bashkisë sipas kategorive ekonomike.

Në lekë

PBA 2023-2025								
Raport		Bashkise sipas Kategorive Ekonomike						
Bashkia		Tirane						
Shpenzimet e Bashkise (000ALL)								
Emri I Artikullit	Kodi I Artikullit	2020	2021	2022	2022	2023	2024	2025
		Fakt	Fakt	Buxh.Fillestar	Perfundimtar	Plan	Plan	Plan
Paga dhe Sigurime								
Paga	600	4,561,936,237	5,119,869,397	5,676,427,359	6,003,143,872	6,501,183,275	6,496,190,000	6,496,190,000
Sigurime Shogerore & Shendetsore	601	758,474,639	817,927,820	902,330,022	954,571,521	1,034,304,169	1,033,510,000	1,033,510,000
Korente								
Mallra dhe Sherbime	602	6,312,940,582	6,307,091,740	6,321,205,202	8,118,613,872	7,166,781,987	6,809,019,948	6,705,164,597
Subvencion/Transferta te Brendshme	603/604	30,533,729	135,743,659	421,660,648	632,284,230	407,114,800	31,750,000	31,800,000
Subvencionet-shp.per interesa	6511	-	-	-	3,100,367	47,779,308	74,739,632	79,789,962
Transferta per Familje & Individe	606	288,199,702	252,987,346	315,727,000	547,948,353	399,520,000	560,320,000	560,320,000
Fondi Rezeve	609	-	-	190,000,000	474,167,100	340,000,000	190,000,000	190,000,000
Shpenzime Kapitale								
Aktive te paprekshme	230	117,341,571	68,237,399	620,925,136	483,560,017	335,657,826	65,760,397	2,305,650
Aktive te prekshme	231	5,941,653,711	3,038,035,349	9,060,688,694	11,774,218,300	12,540,535,285	8,349,758,150	8,741,723,496
Transferimet Kapitale	232	98,448,949	132,000,000	100,000,000	100,000,000	-	-	-
Totali		18,109,529,120	15,871,892,710	23,608,964,061	29,091,607,632	28,772,876,650	23,611,048,127	23,840,803,705

Grafikisht: Shpenzimet totale të Bashkisë sipas kategorive ekonomike.





Tabela 4. Shpenzimet totale të Bashkisë sipas klasifikimit funksional

Në Lekë

FUNKSIONI	NËNFUNKSIONI	KODI NËNFUNK.	KODI PROGR.	PROGRAMI	Fakt	Fakt	Buxheti Fillestar	Perfundimtar	Plan		
					2020	2021	2022	2022	2023	2024	2025
SHËRBIMET TË PËRGJITHSHME PUBLIKE	Organet Ekzekutive dhe Legjislative, për çështjet financiare dhe fiskale, çështjet e brendshme	011	01110	Planifikim, Menaxhim dhe Administrim	2,762,234,836	2,870,602,313	2,847,771,753	3,263,594,915	3,314,441,183	2,964,295,457	2,875,573,431
			01120	Çështjet financiare dhe fiskale			353,136,358	350,990,358	432,371,026	327,200,000	327,200,000
RENDI DHE SIGURIA PUBLIKE	Shërbimet Policore	031	03140	Shërbimet e Policisë Vendore	404,307,865	490,073,548	517,064,339	621,964,339	694,844,000	640,100,000	640,100,000
		032	03280	Mbrojtja nga zjarri dhe mbrojtja civile	500,292,765	298,002,267	335,276,174	528,589,041	339,967,888	196,300,000	196,300,000
ÇËSHITJET EKONOMIKE	Çështje të përgjithshme ekonomike, tregtare dhe të punës	041	04130	Mbështetje për zhvillimin ekonomik	103,054,790	165,436,159	386,291,438	651,397,703	316,985,153	227,800,000	229,800,000
		042	04220	Shërbimet bujqësore, inspektimi, ushqimi dhe mbrojtja e konsumatorëve	288,373,009	240,211,756	275,418,079	284,505,879	390,973,978	248,212,158	248,943,374
			4240	Menaxhimi i Infrastruktursë së ujtes dhe kullimit	20,392,907	20,068,549	22,506,113	119,460,471	23,023,822	23,023,822	23,023,822
			4260	Administrimi i pyjeve dhe kullotave	9,008,889	9,237,924	10,353,262	11,758,002	10,300,000	10,300,000	
		045	4520	Rrjeti rrugor rural	3,252,494,501	1,507,404,673	2,694,617,454	3,031,541,687	4,032,890,557	3,643,715,559	3,648,669,770
		4570	Transporti publik	189,029,286	1,78,980,087	556,607,185	591,661,645	544,043,228	411,500,000	411,500,000	
MBROJTJA E MJEDISIT	Menaxhimi i mbetjeve, Reduktimi i ndotjes, Mbrojtja e mjedisit	051	05100	Menaxhimi i mbetjeve	1,976,105,600	2,024,635,327	2,037,837,945	2,512,371,501	1,934,948,672	2,101,854,723	2,123,154,723
STREHIMI DHE KOMODITETET E KOMUNITETIT	Urbanistika	061	06140	Planifikimi Urban Vendor	904,960,062	1,075,540,330	2,705,648,703	3,371,267,988	2,355,487,038	1,723,481,640	1,197,700,625
		062	6260	Shërbimet publike vendore	3,311,286,910	2,607,736,083	4,814,329,798	5,251,638,267	5,624,542,549	4,451,474,081	4,683,773,589
ARGËTIMI, KULTURA DHE FEJA	Shërbimet rekreative dhe sportive	081	08130	Sport dhe Argëtim	272,278,560	311,972,529	376,317,457	495,797,643	595,421,195	288,200,000	296,200,000
		082	08220	Trashëgimia kulturore, eventet artistike dhe kulturore	479,776,504	457,183,339	557,440,618	817,562,239	569,999,850	565,883,331	510,519,737
ARSIMI	Arsimi parashkollor dhe bazë	091	09120	Arsimi bazë përfshirë arsimin parashkollor.	2,037,518,476	1,881,445,164	2,750,627,688	2,928,282,854	3,154,982,483	2,634,413,852	2,871,949,506
		092	09230	Arsimi i mesëm i përgjithshëm	1,326,750,879	1,422,304,199	1,646,475,816	1,985,416,308	1,767,211,454	1,564,613,872	1,950,815,166
MBROJTJA SOCIALE	Familja dhe fëmijët, Të moshuarit, Sëmundjet dhe paafësia	104	10430	Përkujdesi social	206,367,198	250,972,942	339,443,881	353,892,935	346,682,820	314,420,000	315,970,000
		106	10661	Shërimi social	65,296,083	60,085,522	191,800,000	1,445,746,757	1,983,346,492	1,084,259,632	1,089,309,962
		04910	Fondi rezerve			150,000,000	234,167,100	300,000,000	150,000,000	150,000,000	
		04940	Fondi i Kontingjencës			40,000,000	240,000,000	40,000,000	40,000,000	40,000,000	
					18,109,529,120	15,871,892,710	23,608,964,061	29,091,607,632	28,772,876,650	23,611,048,127	23,840,803,705

Grafikisht: Shpenzimet totale të Bashkisë sipas klasifikimit funksional



III.4.1 Shpenzime Kapitale

Për vitin 2023 fondi total për shpenzime kapitale është në shumën 12,876,193,111 lekë dhe zë 45 % ndaj totalit të shpenzimeve. Për vitet 2024 dhe 2025, buxheti i investimeve parashikohet respektivisht 8,415,518,547 lekë dhe 8,744,029,146 lekë. Për vitin 2023 peshën më të madhe e zënë shpenzimet kapitale për programet e Zhvillimit të Komunitetit, Transportit, Urbanistikës dhe Strehimit Social.

Tabela më poshtë paraqet fondin e shpenzimeve kapitale për vitet 2023 - 2025, sipas programeve buxhetore:

Në Lekë

Nr.	Funksioni	Plan 2022	Plan 2023	% ne strukturë	Plan 2024	Plan 2025
1	Organet ekzekutive dhe legjislative, çështjet financiare, fiskale, dhe çështjet e brendshme	298,382,708	282,723,627	2%	98,900,000	76,400,000
2	Shërbime policore	6,820,000	54,744,000	0%	-	-
3	Shërbime të mbrojtjes ndaj zjarrit	122,562,245	130,748,888	1%	-	-
4	Çështje të përgjithshme ekonomike, tregtare dhe të punës	268,067,360	186,000,460	1%	100,000,000	100,000,000
5	Bujqësia, pyjet, peshkimi dhe gjuetia	8,470,000	133,841,984	1%	-	-
6	Transporti	2,083,583,367	2,994,541,005	23%	2,612,791,779	2,702,817,282
7	Menaxhimi i mbetjeve ,Reduktimi i ndotjes,Mbrojtja e mjedisit	-	-	0%	-	-
8	Urbanistika	2,429,879,703	1,988,687,038	15%	1,376,681,640	850,900,625
9	Zhvillimi i komunitetit	3,136,925,238	3,933,842,549	31%	2,785,774,081	3,018,073,589
10	Shërbimet rekreative dhe sportive	23,312,668	24,806,395	0%	-	-
11	Shërbimet kulturore	90,524,187	143,499,850	1%	139,383,331	84,019,737
12	Arsimi bazë dhe parashkollor	742,437,633	760,285,857	6%	332,473,844	556,102,747
13	Arsimi parauniversitar	564,263,801	552,111,454	4%	369,513,872	755,715,166
14	Familja dhe fëmijet,Te moshuarit,Semundjet dhe paaftesia	6,384,920	3,512,820	0%	-	-
15	Strehimi Social	-	1,686,847,184	13%	600,000,000	600,000,000
16	Fondi rezerve	-	-	0%	-	-
17	Fondi i Kontigjences	-	-	0%	-	-
	TOTALI	9,781,613,830	12,876,193,111	100%	8,415,518,547	8,744,029,146

III.4.2. Shpenzime për Personelin

Në kuadër të përgatitjes së PBA 2023-2025, me qëllim rritjen e cilësisë së shërbimit ndaj publikut dhe menaxhimit me efikasitet të burimeve njerëzore, bazuar në shtimin e funksioneve dhe kapaciteteve të punës, për institucionin e Bashkisë së Tiranës janë propozuar nga Institucionet në varësi të saj ndryshimet e mëposhtme strukturore si dhe kërkesat për shtesa në numër punonjësish si më poshtë vijon.

Më poshtë gjeni të pasqyruara shpenzimet e personelit për vitet 2023 – 2025 në mënyrë tabelare dhe analitike.

Në Lekë

Shpenzimet sipas klasifikimit	Plan 2022	Plan 2023	Plan 2024	Plan 2025
Shpenzime personeli	6,578,757,381	7,535,487,444	7,529,700,000	7,529,700,000

Aparati i Bashkisë së Tiranës

Për t`ju përgjigjur më mirë nevojave të zhvillimit e zgjerimit të veprimtarive të qytetit dhe shtimit të funksioneve ka qenë i domosdoshëm riorganizimi dhe shtimi i burimeve njerëzore të strukturës organike të Aparatit të Bashkisë me një shtesë total prej 11 punonjës në kategoritë Specialist e punonjës mbështetës.

Duke parë anën funksionale dhe organigramën e përgjithshme aktuale të Bashkisë së Tiranës janë propozuar ndryshimet e mëposhtme strukturore në numër punonjësish me qëllim rritjen e cilësisë dhe menaxhimit sa më me efikasitet të këtyre funksioneve si më poshtë vijon;

Del i nevojshëm zgjerimi dhe riorganizimi i Drejtorive, gjithashtu zgjerimi i kapaciteteve me burime njerëzore për Drejtorinë e Auditit të brendshëm, Drejtorinë e Shërbimeve, dhe Drejtorinë e Arkivit.

Shtesa e propozuar është për 6 punonjës me efekt financiar për vitin 2023 në shumën 6,200,000 lekë (5,350,000 lekë paga dhe 850,000 lekë sigurime shoqërore).

Njësitë Administrative

Bazuar në ligjin 18/2017 “Për të drejtat dhe mbrojtjen e fëmijës” është vendosur standardi që në çdo Njësi Administrative të ketë punonjës për mbrojtjes së fëmijëve.

Problematikat e shtuara familjare të të miturve në konflikt me ligjin sidomos në disa Njësi Administrative si NJA nr,6, ka bërë të nevojshëm shtim të organikës në Njësitë Administrative prej 5 punonjës “Specialist i mbrojtjes së fëmijëve” të kategorisë IV-a me efekt financiare për vitin 2023 në shumën 4,300,000 lekë (3,700,000 lekë paga dhe 600,000 lekë sigurime shoqërore).

Shtesa e propozuar në total për Aparatin e Bashkisë është për 11 punonjës me efekt financiare të shpenzimeve të personelit për vitin 2023 në shumën 10,500,000 lekë (9,050,000 lekë paga dhe 1,450,000 lekë sigurime shoqërore).

Inspektoriati i Mbrojtjes së Territorit.

Inspektoriati i Mbrojtjes së Territorit pranë Bashkisë Tiranë ka si qëllim rritjen e performancës së punës administrative, krijimin e një imazhi sa më pozitiv për institucionin, si dhe përmirësimin e procesit të kontrollit të punimeve të ndërtimit në territorin e Bashkisë Tiranë. Ky institucion përballet vazhdimisht me sfidën për të arritur parandalimin e ndërtimeve pa leje dhe respektimin e lejeve përkatëse nga subjektet zbatuese. Bazuar në kërkesat e drejtorive përkatëse si Drejtoria Juridike, Drejtori e Koordinimit të Projekteve dhe Drejtoria e Kontrollit të Terrenit, të cilat për arsye të ushtrimit të detyrave në mënyrë sa më efektive dhe për shkak të ngarkesës në punë, referuar edhe projekteve të reja të miratuara nga Bashkia Tiranë ku është e ngarkuar IMT Bashkia Tiranë në zbatimin e tyre, me shkresën nr.39891 prot, datë 10.11.2022, kërkon shtim të stafit në disa drejtori, konkretisht inspektorë, specialist, punonjës mbështetës në terren.

Ndryshimet e propozuara ndryshojnë numrin e përgjithshëm të punonjësve nga 160 punonjës në 180, duke shtuar strukturën organizative të IMT me 20 punonjës. Shtesa e propozuar në total për 20 punonjës ka efekt financiare të shpenzimeve të personelit për vitin 2023 në shumën 22,600,000 lekë (19,500,000 lekë paga dhe 3,100,000 lekë sigurime shoqërore).

Agjencia për Administrimin e Tregjeve (AAT)

Aktualisht, aktiviteti i AAT-së konsiston në administrimin e tregjeve publikë të lëvizshme, tregjeve publikë sezonal, si dhe në zbatimin e një sërë projekteve, si projekti “Eja në Bahçe”. Agjencisë për Administrimin e Tregjeve, që prej krijimit të saj i janë shtuar: ‘Tregu i Rrobave të përdorura Shkozë’, ‘Tregu i Fruta-Perimeve Kombinat’, si dhe ‘Tregu i Rrobave të përdorura në Qytetin e Nxënësve’.

Gjithashtu, Agjencia është në përgatitje për shtim në numër të Tregut të Lëvizshëm, bazuar dhe në kërkesat nga ana qytetarëve. AAT do të operojë njëkohësisht me 3 (tre) Tregje të Lëvizshme, pra njëkohësisht do veprojnë 3 (tre) tregje në Njësi Administrative të ndryshme

në të njëjtën kohë. Realizimi i këtij objektivi, mirëmbajtja e vazhdueshme e tregjeve dhe inspektimet e kryera me frekuencë kohore të përditshme, kanë krijuar nevojën e zgjerimit të stafit të punonjësve,

Nga sa më sipër, për organizimin e personelit për realizimin e detyrave funksionale të projekteve brenda afateve dhe standarteve të kërkuara, Agjencia për Administrimin e Tregjeve me shkresën nr.36552 prot, datë 18.10.2022, kërkon shtim të 5 (pesë) Punonjësve të Shërbimit. Shtesa e propozuar në total për 5 punonjës ka efekt financiar të shpenzimeve të personelit për vitin 2023 në shumën 3,000,000 lekë (2,590,000 lekë paga dhe 410,000 lekë sigurime shoqërore).

Klubi Sportiv “Tirana”

Klubi Sportiv “Tirana”, si qendër e përgatitjes së cilësisë së lartë sportive të ekipeve dhe sportistëve më të zgjedhur të qytetit të Tiranës, bashkëpunon me federatat sportive duke aderuar pranë tyre sipas procedurave ligjore si dhe punon për zbatimin e të gjithë detyrave dhe objektivave të përcaktuara nga Klubi dhe Bashkia me synim rritjen e cilësisë sportive me ekipet dhe sportistët në veçanti.

Shtimi i ekipeve bën të nevojshëm shtimin e Inspektorëve në terren për të monitoruar mbarëvajtjen dhe kontrollin e të gjitha ekipeve pjesë të Klubit me qëllim përmirësimin e funksionimit, organizimit, menaxhimit dhe administrimit të Klubit Sportiv “Tirana”, duke e vënë theksin në tre parime themelore, të cilët në thelb përbëjnë dhe misionin e klubit, veprimtari me efikasitet dhe efikasitet, sistem menaxhimi dhe kontrolli efektiv, si dhe rritje të cilësisë sportive.

Duke marrë shkas edhe nga fakti që Tirana do të shpallet “Kryeqyteti European i Sportit 2023” dhe aktivitetet e ekipeve sportive të Klubit do jenë shumëfish më të larta, nevojitet personel që ti monitorojë dhe asistojë. Për këto arsye me shkresën nr.40040 prot, datë 11.11.2022, propozohet shtesa prej 5 punonjës në strukturën e Klubit Sportiv “Tirana”, konkretisht 3 Specialistë Sportesh, specialist i burimeve njerëzore dhe shofer.

Shtesa e propozuar në total për 5 punonjës ka efekt financiar të shpenzimeve të personelit për vitin 2023 në shumën 5,400,000 lekë (4,650,000 lekë paga dhe 750,000 lekë sigurime shoqërore).

Efektet nga rritja e pagave

Ndër politikat e ndjekura për vitin 2022, një reformë e rëndësishme është rritja e nivelit të pagave për punonjësit, fillimisht në rritjen e pagës minimale për punonjësit buxhetorë e kryer në dy faza. Me Vendimin e Këshillit të Ministrave nr 158, datë 12.03.2022 “Për përcaktimin e pagës minimale në shkallë vendi” me një rritje prej 6,6%, (nga 30.000 lekë në muaj u rrit në 32.000 lekë në muaj) si dhe Vendimi i Këshillit të Ministrave nr. 604, datë 14.09.2022 “Për përcaktimin e pagës minimale në shkallë vendi” me një rritje prej 6,25%, (nga 32.000 lekë në muaj u rrit në 34.000 lekë në muaj) duke realizuar një rritje totale prej 13% e më pas në rritjen e të gjitha klasave e kategorive me rritje mesatare prej 7%.

Gjithashtu në zbatim të Vendimit të Këshillit të Ministrave nr.625, datë 28.09.2022, “Për disa shtesa dhe ndryshime në vendimin nr.165, datë 02.03.2016 të Këshillit të Ministrave “Për grupimin e njësive të vetëqeverisjes vendore për efekt page, dhe caktimin e kufijve të pagave të funksionarëve të zgjedhur e të emëruar, të nëpunësve civil dhe të punonjësve administrativë të njësive të vetëqeverisjes vendore”, të ndryshuar, Këshilli Bashkiak me VKB Nr. 40 dt. 28.04.2022 dhe Vendimet Nr.81,82,83, datë 30.09.2022 të Këshillit Bashkiak, ka miratuar pagat për të gjithë kategoritë e punonjësve të Bashkisë Tiranë mesatarisht në masën 7%, si dhe ndryshim e përmirësime të disa kategorive e klasave

Ndryshimet kanë sjellë rritjen e efekteve financiare dhe shpenzimeve të personelit për të gjitha institucionet të cilat janë reflektuar në planifikimin e artikujve 600 dhe 601 të buxhetit të vitit 2023.

III.4.3. Shpenzime Operative dhe të tjera

Shpenzimet operative dhe të tjera janë parashikuar në shumën 8,361,196,095 lekë për vitin 2023, 7,665,829,580 lekë për vitin 2024 dhe 7,567,074,559 lekë për vitin 2025. Këto shpenzime përbëjnë 29% të totalit të buxhetit për vitin 2022 dhe përbëhen nga:

- Shpenzimet operative të aparatit të Bashkisë dhe institucioneve në varësi;
- Përdorimi i Fondit Rezervë dhe Fondit të Kontigjencës;
- Transferta të tjera për individët

Fondi Rezervë do të përdoret për financimin e shpenzimeve që nuk mund të parashikohen gjatë hartimit të buxhetit, me vendime të Këshillit Bashkiak.

Fondi i Kontigjencës do të përdoret për të përballuar efektet e mosrealizimit të të ardhurave, nevojën e kryerjes së financimeve të reja dhe shtimin e financimeve mbi fondet e miratuara të programeve egzistuese, në rast se do të jetë e nevojshme gjithmonë me miratimin e Këshillit Bashkiak.

Transfertat për individët përbëhen nga transfertat në mbështetje sociale të shtresave në nevojë si bonusi i strehimit, dëmshpërblime në raste fatkeqësish natyrore, stimuj ekselence, si ai për nxënësit e shkëlqyer dhe stimuj të tjerë si shporta e bebes , të cilat do të vazhdojnë të paguhen edhe gjatë vitit 2023.

Në thelb të planifikimit të shpenzimeve operative është racionalizimi i shpenzimeve administrative, duke vënë theksin në rritjen e financimit për shërbimet publike me qëllimin e përdorimit të tyre për përmbushjen e funksioneve kryesore të Bashkisë së Tiranës.

Peshën më të madhe në shpenzimet operative e mbajnë funksionet prioritare të Bashkisë së Tiranës: shërbimet publike vendore, arsimi parashkollor dhe parauniversitar, transporti rrugor, shpenzime të cilat financojnë ofrimin e shërbimeve ndaj qytetaëve.

Shpenzimet operative dhe të tjera për vitet 2023 - 2025 parashikohen sipas programeve buxhetore si më poshtë:

Nr.	Funksioni	Plan 2022	Parashikimi 2023	% ne strukturë	Parashikimi 2024	Parashikimi 2025
1	Organet ekzekutive dhe legjislativë, çështjet financiare, fiskale, dhe çështjet e brendshme	1,291,045,987	1,429,388,582	17%	1,157,895,457	1,091,673,431
2	Shërbime policore	96,106,249	30,000,000	0%	30,000,000	30,000,000
3	Shërbime të mbrojtjes ndaj zjarrit	80,957,000	47,919,000	1%	35,000,000	35,000,000
4	Çështje të përgjithshme ekonomike, tregtare dhe të punës	88,698,378	89,184,693	1%	86,000,000	88,000,000
5	Bujqësia, pyjet, peshkimi dhe gjuetia	149,109,690	99,969,078	1%	90,635,980	91,367,196
6	Transporti	745,956,946	1,013,592,780	12%	873,623,780	788,552,488
7	Menaxhimi i mbetjeve ,Reduktimi i ndotjes,Mbrojtja e mjedisit	2,037,837,945	1,934,948,672	23%	2,101,854,723	2,123,154,723
8	Urbanistika	129,111,000	165,000,000	2%	145,000,000	145,000,000
9	Zhvillimi i komunitetit	945,154,552	745,000,000	9%	720,000,000	720,000,000
10	Shërbimet rekreative dhe sportive	290,406,162	484,414,800	6%	202,000,000	210,000,000
11	Shërbimet kulturore	375,848,746	293,000,000	4%	293,000,000	293,000,000
12	Arsimi bazë dhe parashkollor	812,023,771	779,509,182	9%	692,540,008	706,446,759
13	Arsimi parauniversitar	507,495,515	434,100,000	5%	414,100,000	414,100,000
14	Familja dhe fëmijet,Te moshuarit,Semundjet dhe paafesia	219,370,931	178,670,000	2%	149,920,000	151,470,000
15	Strehimi Social	191,800,000	296,499,308	4%	484,259,632	489,309,962
16	Fondi rezerve	150,000,000	300,000,000	4%	150,000,000	150,000,000
17	Fondi I Kontigjences	40,000,000	40,000,000	0%	40,000,000	40,000,000
TOTALI		8,150,922,872	8,361,196,095	100%	7,665,829,580	7,567,074,559

Bilanci përmblendës i të ardhurave dhe shpenzimeve të parashikuara për periudhën 2023 – 2025 paraqitet në tabelën si më poshtë në lekë:

	Emërtimi	Plan 2022	PARASHIKIMI 2023	Ne %	PARASHIKIMI 2024	PARASHIKIMI 2025
I	Të ardhura të taksueshme	9,721,200,000	10,879,500,000	38%	11,524,000,000	11,568,000,000
1	Taksa mbi pasurinë e paluajtshme	2,640,000,000	2,912,000,000	10%	2,944,000,000	2,977,000,000
a	Familjarët	670,000,000	712,000,000	2%	722,000,000	733,000,000
b	Subjektet Tregtare	1,970,000,000	2,200,000,000	8%	2,222,000,000	2,244,000,000
2	Taksa mbi token Bujqesore	31,000,000	32,500,000	0%	33,000,000	33,000,000
3	Taksa mbi truallin	65,000,000	85,000,000	0%	86,000,000	87,000,000
4	Tatimi Thjeshtuar mbi Fitimin e BV	0	0	0%	0	0
5	Taksa e fjetjes në hotel	65,000,000	100,000,000	0%	100,000,000	100,000,000
6	Taksa e ndikimit ne infrastrukture nga ndertimet e reja	4,800,000,000	5,500,000,000	19%	6,100,000,000	6,100,000,000
7	Taksa mbi kalimin të drejtës pronësisë për pasuritë e pa	400,000,000	480,000,000	2%	480,000,000	480,000,000
8	Taksa vjetore e mjeteve te perdorura	420,000,000	450,000,000	2%	450,000,000	450,000,000
9	Taksa mbi te ardhurat personale	190,000,000	190,000,000	1%	190,000,000	190,000,000
10	Taksa e tabelës	300,200,000	320,000,000	1%	323,000,000	325,000,000
a	Tabelë identifikuese/sinjalizuese	200,000	250,000	0%	300,000	300,000
b	Tabelë reklamuese	300,000,000	319,750,000	1%	322,700,000	324,700,000
11	Taksa e përkohëshme per infrastrukturen Arsimore	810,000,000	810,000,000	3%	818,000,000	826,000,000
	Familjarët	320,000,000	320,000,000	1%	323,000,000	326,000,000
	Subjektet Tregtare	490,000,000	490,000,000	2%	495,000,000	500,000,000
II	Të ardhura jo tatimore	4,686,053,000	5,554,000,000	19%	5,607,000,000	5,662,000,000
1	Tarifat	3,636,317,000	3,771,000,000	13%	3,822,000,000	3,875,000,000
a	Tarifa e pastrimit	2,315,424,000	2,590,000,000	9%	2,616,000,000	2,642,000,000
a.1	Familjarët	815,424,000	890,000,000	3%	899,000,000	908,000,000
a.2	Subjektet Tregtare	1,500,000,000	1,700,000,000	6%	1,717,000,000	1,734,000,000
b	Tarifa e parkimit te automjeteve	574,603,000	602,000,000	2%	623,000,000	647,000,000
b.1	Parkim me kontratë	156,400,000	165,000,000	1%	170,000,000	177,000,000
b.2	Parkim me bileta	418,203,000	437,000,000	2%	453,000,000	470,000,000
c	Tarifa për shqyrtimin e kërkesës për leje për punime	432,000,000	255,000,000	1%	255,000,000	255,000,000
d	Tarifa dhenie licence tregtim karburanti +Lende djegese	0	0	0%	0	0
e	Tarifa për zënie e hapësirave publike	300,000,000	315,000,000	1%	318,000,000	321,000,000
e.1	Tarifa për zënie e hapësirave publike me platforma betoni,kangjella.	280,000,000	294,000,000	1%	296,000,000	298,000,000
e.2	Tarifa për zënie e hapësirave në tregjet publike	20,000,000	21,000,000	0%	22,000,000	23,000,000
f	Tarifa e sherbimit veterinarë	5,690,000	0	0%	0	0
g	Tarifa sherbimi te MZSH	8,600,000	9,000,000	0%	10,000,000	10,000,000
2	Të ardhura të tjera	813,000,000	1,438,000,000	5%	1,440,000,000	1,442,000,000
a	Te ardhura nga qerate	63,000,000	48,000,000	0%	49,000,000	50,000,000
b	Te ardhura te institucioneve te varesise	150,000,000	190,000,000	1%	191,000,000	192,000,000
c	Te ardhura te tjera (penalite administrative; te padetajuara; etj.)	600,000,000	600,000,000	2%	600,000,000	600,000,000
d	Kontributi i subjekteve private ne Fondin social	0	600,000,000	2%	600,000,000	600,000,000
3	Pagesa	236,736,000	345,000,000	1%	345,000,000	345,000,000
a	Per kopshtet e femijeve	152,384,000	230,000,000	1%	230,000,000	230,000,000
b	Per çerdhet e femijeve	80,152,000	108,000,000	0%	108,000,000	108,000,000
c	Per Konviktet e Shkollave te Mesme	4,200,000	7,000,000	0%	7,000,000	7,000,000
	Shuma	14,416,076,261	16,433,500,000	57%	17,131,000,000	17,230,000,000
	Transferta e pakushtezuar e pergjithshme	2,523,450,650	3,008,634,292	10%	3,008,634,292	3,118,503,000
	Transferta e pakushtezuar sektoriale	1,269,437,150	1,324,954,914	5%	1,324,954,914	1,324,954,914
	Të ardhura të mbartura	5,400,000,000	8,000,000,000	28%	2,146,458,921	2,167,345,791
	Te ardhura te planifikuara nga donatoret		5,787,444	0%		
	Totali i të ardhurave	23,608,964,061	28,767,089,206	100%	23,611,048,127	23,840,803,705
I.	Shpenzime Korrente	13,637,350,231	15,556,683,539	54%	15,005,529,580	14,906,774,559
1	Personeli (Paga dhe Sigurime Shoqerore)	5,676,427,359	6,501,183,275	23%	6,496,190,000	6,496,190,000
2	Shpenzime per interesa	902,330,022	1,034,304,169	4%	1,033,510,000	1,033,510,000
3	Shpenzime Operative Mirëmbajtje	6,321,205,202	7,166,781,987	25%	6,809,019,948	6,705,164,597
4	Transferta Individe	421,660,648	407,114,800	1%	31,750,000	31,800,000
5	Transferta të brendshme	0	47,779,308	0%	74,739,632	79,789,962
6	Transferta jashtë	315,727,000,000	399,520,000,000	1%	560,320,000,000	560,320,000,000
II.	Fondi Rezervë, Kontigjenca	190,000,000,000	340,000,000,000	1%	190,000,000,000	190,000,000,000
1	Fondi Rezervë	150,000,000,000	300,000,000,000	1%	150,000,000,000	150,000,000,000
2	Fond Kontigjenca	40,000,000,000	40,000,000,000	0%	40,000,000,000	40,000,000,000
III	Shpenzime Kapitale	9,781,613,830	12,876,193,111	45%	8,415,518,547	8,744,029,146
	Financim i Brendshëm	9,781,613,830,000	12,876,193,111,000		8,415,518,547,000	8,744,029,146,000
	Totali i shpenzimeve	23,608,964,061	28,772,876,650	100%	23,611,048,127	23,840,803,705